

四庫全書

集部

欽定四庫全書

集部

東坡詩集註卷十六至十八

詳校官庶吉士臣謝恭銘

檢討臣何思鈞覆勘

總校官進士臣朱鈐

校對官主事臣牛稔文

謄錄監生臣趙寅

欽定四庫全書

東坡詩集註卷十六

宋 王十朋 註

送別

送賈訥倅眉二首

鹿卿訥時
朝散郎

當年入蜀歎空回，未見我眉肯再來。童子遙知頌襦袴，

使君先已洗尊壘。

李大夫眉之賢太守也。堯卿元祐
元年李琪以朝散大夫知眉州。鹿

頭北望應逢鴈。

次公鹿頭關在綿州羅江縣下。鹿頭關
則趨成都而往眉矣。自成都趨眉乃一

直南往而云北望未詳時乃季冬故曰遶屬于仁人日北望遶屬意欲其附書也自蜀望中原故云此

東郊尚有梅

人日出東郊波江游基頤山眉之故事也

我老不堪歌樂職後

生試覓子淵才

援前漢王褒字子淵益州刺史王褒欲宣風化於衆庶聞褒有俊才請與相見

使作中和樂職宣布詩選好事者令依鹿鳴之詩習而和之

老翁山下玉淵回手植青松三萬栽父老得書知我在

小軒臨水為誰開試看一一龍蛇活更聽蕭蕭風雨哀

便與甘棠同不翦

續詩蘇節甘棠勿剪勿伐

蒼髯白甲待歸來

先君墓於

墓頤山之東二十餘里地名老翁泉君許為一往感歎之深故及之

送程建用

堯卿字彛仲時為宣德郎還眉山

先生本舌耕

厚王子年拾遺記賈逵口誦經文以教人贈遺者積粟盈倉或云賈逵非力耕所得

誦經舌倦世所謂舌耕也次公洞冥記載黃安讀書畫地以記其數一夕地成池時人謂安舌耕句首所謂先生則指言建用之父也後所謂公子則建用矣文字浩千頃

次公退之詩歸來閱書史文字浩千

頃空倉付公子坐待發茗穎

次公發茗穎字祖出陸機文賦茗發穎堅離衆絕致

而合用則劉禹錫舊田行亦云蒼蒼一雨後茗穎如雲發

十年困新說兒女爭捕影

次公新說言王介父三經新義也時學者號之曰新經多言性命之說故以捕影言之

鑿垣種蓮

萬

次公莊子是猶妄鑿垣牆而植蓮萬也

嘉穀誰復省空餘南陔意

續詩南陔

孝子相戒

太息北堂冷

次公北堂冷則念其母也詩云馬得護草言樹之背說者謂護

即今萱草可以忘憂也北音背言北堂也故今謂母為萱堂又為北堂

織屨隨方進

續西漢翟

方進辭其後母欲西至京師受經母憐其幼隨之長安織屨以給方進

採薪教韋逞

厚晉書韋

逞年小母采氏晝則教逞遂學成名後仕苻堅為太常

辛勤守一經

厚西漢韋賢子玄成皆以

明經位丞相故鄒魯諺曰遺子黃金滿籬不如一經

菽水賢五鼎

續禮檀弓孔子曰吸菽飲水盡

其歡斯謂之孝

今年聞起廢

子仁太史公自序春秋補敝起廢

魯史復光景

續

史春秋也王荆公興新學以春秋為破爛朝報廢之元祐初詔復詩賦併復春秋

公子亦改官

三就繁馬頭

次公禮器云大路繁纓一就先路三就次路五就又郊特牲云大路繁纓一就次路

繁纓七就釋文繁音步干
反今句益以其飾馬言之
歸來一笑聚援穀梁傳有云
軍人聚然皆笑

素髮颯垂領

次公文選潘安仁秋興賦云
悟時歲之邁盡兮慨俛首而
自省斑鬢彪以承弁兮素

髮颯垂領

會看金花詔湯沐奉朝請

堯卿宗敏求春明退
朝錄云予嘗判官告

院郎夫人使金花羅紙七張
法錦縹袋賜以湯沐之邑而
奉朝請乃奉親之榮事也

太公不吾欺

壽與龜鶴永

送杜介歸揚州

再入都門何事空

次公先生守密守徐守湖而謫黃自
徙汝居常守登召入為禮部郎中為

起居舍人為翰林學士此為再入都門

閒看清洛漾春風當年帷幄幾人

在回首觚稜一夢中

續班固西都賦設壁門之鳳闕上觚稜而栖金爵觚稜闕角也任杜

牧之詩觚稜拂斗極回首尚遲遲四朝三七載似夢復非宜倬蘇鶚演義曰觚者學書之牘或以記事削木為之或六面或八面皆可書以有圭角故謂之觚文選操觚進牘或以觚為筆非也

採藥會須逢

薊子

援後漢薊子訓傳有百歲翁自說兒童時見子訓賣藥于會稽市顏色不異於今

問禪何

處識龐翁

次公龐翁龐蘊居士也乃與江西道一禪學相契者傳燈錄有傳

歸來鄰里

應迎笑新長淮南舊桂叢

續文選劉安招隱士詩淮南小山之所作也其詞曰桂樹

叢生兮山之幽偃蹇連卷兮枝相繚

送楊孟容

次公傳者云送知懷安軍先生自謂效黃魯直體觀南昌集所載信然魯直云

子瞻詩句妙一世乃收斂光芒入此窘步以見
效蓋退之戲效孟郊樊宗師之比以文滑稽耳
恐後生不解故追韻道之敬夫黃魯直詩云我
詩如曹鄴淺陋不成邦公如大國楚吞五湖三
江赤壁風月笛玉堂雲霧窻句法提一律堅城
受我降枯松倒澗壑波濤所舂撞萬牛挽不前
公乃獨力扛諸人方啜點渠非越張雙但懷相
識察牀下拜老龐小兒未可知客或許敦龐識
堪堦阿巽買

紅纏酒缸

我家峨眉陰

次公峨眉山在嘉州之峨眉縣而眉州則面其陰也故州以此而得名

與子

同一邦相望六十里共飲玻璃江江山不遠人遍滿千
家窻但苦窻中人寸心不自降子歸治小國洪鐘噓微

撞

續東方朔客難曰以筵撞鐘豈能發其聲音

我留侍玉座弱步歌豐扛後

生多高才名與黃童雙

厚後漢黃香傳香字文強博學能文章京師號曰天下無雙江

夏黃童

不肯入州府故人餘老龐

援後漢龐德公居峴山之南未嘗入城府荊州

刺史劉表數延入不能屈乃就候之

慇懃與問訊愛惜霜眉厖何以待我

歸寒醅發春缸

送錢承制赴廣西路分都監

當年我作表忠碑坐覺江山氣未衰舞鳳尚從天目下

援郭璞詩天目山前兩乳長龍飛鳳舞列錢塘次公天目山以其上有兩湖似左右目名天目也

牧駒

時有渥洼姿

厚漢武帝元鼎四年秋馬生渥洼水中作天馬之歌次公牧應作牧周禮教駢攻駒

注作收駒也

踞牀到處堪吹笛

續晉桓伊有蔡邕柯亭管常自吹之王徽之赴召命泊舟

青溪素不相識伊於岸上過徽之令人謂曰聞君善吹笛為我一弄伊時已顯貴素聞徽之名便下車踞胡牀為作三調弄畢便上車去客主不交一言

橫槊何人解賦詩知是丹霞破佛

手

援傳燈錄丹霞天然禪師於慧林寺遇天大寒師取木佛焚之人或譏之師曰吾燒取舍利人曰木頭何

有師曰若爾先聲應已懾羣夷

廣西僧寺頃有佛動之異錢君取而投之江中

送顧子敦奉使河朔

子仁子敦顧臨也元祐二年自給事中除天章閣待制出

為河北都轉運使

我友顧子敦軀膽兩俊偉便便十圍腹

續通孝先腹便便又晉書尹緯

腰帶不但貯書史容君數百人

厚晉王導嘗枕周顗膝而指其腹曰卿此中何

所有答曰此中空洞無物然可容君輩數百人

一笑萬事已十年卧江海了不

見愠喜磨刀向豬羊

次公古樂府木蘭歌云鄰里喜我歸磨刀霍霍向豬羊

醜酒

會鄰里

次公後漢史有華牛醜酒音所爾切

歸來如一夢豐頰愈茂美平

生批勅手

援唐李藩為給事中制勅有不可遂於黃紙勅後批之吏曰宜別連白紙藩曰別以白紙

是文狀生

濃墨寫黃紙會當勒燕然

厚後漢竇憲擊匈奴大破之遂登燕

然刻石勒功紀漢威德令班固作銘

廊廟登劍履

續蕭何功第一於是乃令何劍履上殿入朝不

趨翻然向河朔坐念東郡水河來訖不去

見送魯元翰知洛州詩

如尊乃勇耳

次公王尊為東平相是時東平以至親驕奢不奉法傳相連坐尊視事謂王曰尊來

為相人皆弔尊也以尊不容朝廷責使相王耳天下皆言王勇顧但負責安能勇如尊乃勇耳

諸公餞子敦軾以病不往復次前韻

君為江南英面作河朔偉人間一好漢誰似張長史

次公

舊唐書武后謂狄仁傑曰思得一好漢用之仁傑曰荊州長史張柬之雖老宰相材也

上書苦留

君言拙輒報已

師韓愈孔戣墓誌愈留孔戣奏疏曰如戣輩在朝不過三數人陛下不宜苟順

其求不留自助也不報子仁先生詩集有乞留顧臨狀云方今二聖臨御肅正紀綱如臨等輩正當置之左右

以輔闕遺也

置之勿復道出處俱可喜攀與共六尺

續表盡謂漢史

帝曰天子所與共六尺與者皆天下豪英

食肉飛萬里

厚後漢班超行詣相者相者曰生燕頰虎

順飛而食肉此萬里侯相也

誰言遠近殊等是朝廷美遙知送別處

醉墨爭淋紙我以病杜門商頌空振履

續莊子曾子居衡三日不舉火

十年不製木曳徒而歌商頌聲滿天地若出金石

後會知何日一歡如覆水善

保千金軀前言戲之耳

次公王立之詩話載元祐中顧子敦有顧屠之號以其極肥偉

也其後奉使河朔居士有詩送之云我友顧子敦軀膽兩俊偉便便十圍腹不但貯書史人云磨刀向豬羊醜酒會鄰里又云批勅手皆用屠家語也子敦讀之頗不樂所以居士復和前篇云善保千金軀前言戲之耳

次韻子由送家退翁知懷安軍

吾州同年友祭若琴上星

次公琴上星言十三徽也

當時功名意豈

止拾紫青

續夏侯勝三士惠不明經經術苟明取青紫如作拾地芥

事既喜違願天

或不假齡今如圖中鶴俛仰在一庭

吾州同年友十三人今存者六人而

已故有琴上星圖中鶴之語

退翁守清約霜菊有餘馨鼓笛方入破

朱絃微莫聽西南正春早廢沼粘枯萍翩然一麾去想

見靈雨零

續詩衛風靈雨既零命彼信人

我無謫仙句待詔沉香亭

見續

麗人行注空騎內廐馬

次公翰林學士初入院創賜名馬

天仗隨雲駟竟無

絲毫補脊馬誰汝令永愧舊山史憑君寄丁寧

送宋構朝散知彭州迎侍二親

亮卿構字承之成都人

東來誰迎使君車知是丈人屋上烏

續杜詩丈人屋上烏人好烏亦好

劉向說苑太公謂武王曰愛其人者兼屋上之烏憎其人者惡其儲胥

丈人今年二毛初

厚潘安仁秋興賦余春秋三十有二始見二毛

登樓上馬不用扶

俾杜詩上馬不用扶每扶

必怒

使君負弩為前驅蜀人不復談相如

援司馬相如為中郎將使

西南夷至蜀太守以下郊迎縣令負弩為前驅蜀人以為寵

老幼化服一事無有鞭

不施安用蒲

續後漢劉寬為南陽太守吏人有過但蒲鞭罰之示辱而已次公北史崔祖思叔父

景真位平昌太守有惠政常懸一蒲鞭而未嘗用去任之日士人思之為立祠春波如天漲平

湖次公此亦柳子厚江南春盡水如天之意也鞞紅照坐香生膚次公鞞紅

歐陽花譜彭蔡鞞上壽白玉壺次公史記淳于髡傳有云蔡鞞鞞脆侍酒于前

徐廣云蔡收衣袞也鞞臂捍也音溝蔡字音義與索隱並音紀免切公堂登歌鳳將雛公

鳳將雛樂府曲名諸孫懽笑爭挽鬚蜀人畫作西湖圖

次韻孔常父送張天覺河東提刑

送君應典鵲裘

次公西京雜記司馬相如初與卓文君遷成都居貧愁憊以所著鵲裘

貫酒為歡憑仗千鍾洗別愁次公孔叢子平原君強子高飲曰克飲千鍾孔子飲百觚古之

聖賢無不能
飲子何辭焉

脫帽風流餘長史

君喜草書而不工故以此為戲
續長史張旭也

杜詩張旭三杯草聖
傳脫帽露頂王公前

埋輪家世本留侯

張綱子房七世孫也
捷為武都

人墓在今彭山
君豈其後邪

子河駿馬方爭出

麟府馬出子河泌

昭義疲兵

得少休

唐福昭義步兵蓋澤潞弓箭手

定向秋山得嘉句故關黃葉滿

行舟

次公故關即河東之古關也師李端古別離詩水國葉黃時洞庭霜落夜行舟聞商賈宿在楓林下

此地送君還
茫茫似夢間

送張天覺得山字

西登太行嶺北望清涼山

次公太行山在澤州晉中縣而岱州五臺山即清涼山也

晴空浮五髻，晻靄卿雲間。

師史記天官書：若烟，非烟。若雲，非雲。郁郁紛紛，蕭索輪囷。

是謂卿雲。

餘光入巖石，神草出茅菅。

續五臺山有草，藥名長松，亦名仙茆。次公此篇

專言長松事，有患大風者，遂僧指似長松，草而愈詳見前寄天覺詩中。

何人相指似稍稍。

落人寰，能令墜指兒虬髯。茁水顏祝君如此，草為民已

痼瘵。我亦老且病，眼花腰脚頑。念當勤致此，莫作河東

悭。

送歐陽辯監澶州酒

汗血駕鼓車，何從致千里。

續前：漢天馬歌：雲赤汗，又光武時異國有獻名馬，日行千

里詔以馬
駕鼓車

紛紛糟麴間欲試賢公子君家江南英濯足

滄浪水却渡舊黃河漲沙埋馬耳由來付造物倚伏何
窮已當念楚子文三仕無愠喜

送家安國教授歸成都

別君二十載坐失兩鬢青吾道雖艱難斯文終典刑屢

作退飛鷗

任左傳六
鷗退飛

羞看乾死螢

次公杜詩集頭
乾死讀書螢

一落

戎馬間五見霜葉零夜談空說劍春夢猶橫經新科復
舊貫童子方乞靈須煩凌雲手

續相如奏大人賦天子
大說飄飄然有凌雲氣

游天地之間意

去作入蜀星

援後漢和帝遣使者二人當益部皆微服單行李郤指星云有二使

星入益州分野

蒼苔高臥室古柏文翁庭

續高臥室今府學古室是也文翁庭今有

古柏處是也

初聞編簡香稍覺鋒鏑腥岷峨有雛鳳梧竹養

脩翎鳴呼應嶰律飛舞集虞廷

援黃帝使伶倫截嶰谷竹聽鳳鳴以制十二律

吾儕便歸老亦足慰餘齡

次公家安國字復禮眉山入博學舉進士不第後隨韓存

寶征乞第得官既而諸公舉之得成都教授故先生有說劍橫經鋒鏑腥編簡香之句

余與李薦方叔相知久矣領貢舉事而李不得第

愧甚作詩送之

子翬按年譜元祐三年戊辰任翰林學士知貢舉又石林先生云李

薦陽翟人少以文字見蘇子瞻子瞻喜之及知
舉薦適就試意在必得薦以冠多士及考章程
文大喜以為薦無疑遂以為魁
既拆號悵然出院以詩送薦

與君相從非一日筆勢翩翩疑可識平生謾說古戰場

續李華作弔古戰場文汗為故書他日與蕭穎士讀之
稱工華問今誰可及穎士曰君加精便能至矣華愕然
而過眼終迷日五色援唐李程貞元中試日五色賦先
榜落矣初出試揚於陵遇程詢其

所試程示之其破題曰德動天鑒祥開日華於陵覽之
謂程曰公今須作狀元翌日無名於陵深不平乃於故
冊子末繕寫而斥其名氏携之以詣主文主文數賞不
已於陵曰當今場中若有此賦侍郎何以待之主文曰
非狀元不可也於陵曰苟如此侍郎已遺賢矣此乃李
程所作五命取李程所納卷對不差一字主文因謀之

於陵握我慙不出君大笑行止皆天子何責青袍白紵
為狀元

五千人知子無怨亦無德買羊酤酒謝王川

厚韓退之寄玉川子

詩買羊酤酒謝不敏為我醉倒春風前

續退之紅芍藥歌云花前醉倒歌者誰楚狂小子韓

退之歸家但草凌雲賦我相夫子非臞仙

援相如以為列仙之儒居山澤

問形容甚臞

送成都高士敦鈴轄

堯卿高士敦字仲穆

移中老監本虛名

厚前漢蘇武為移中庶監使匈奴十九年不辱命

懶作燕山

萬里行

余與高君奉使契丹辭免不行

坐看飛鴻迎使節歸來駿馬換

傾城

次公言以為使所得之馬買妾事則纂異記韋生以馬換鮑生之妾而江文通謝希逸為妾換馬賦

高才本不緣勲閥餘力還思治蜀兵西望雪山烽火盡

不妨尊酒寄平生

次公雪山在蜀之西近吐蕃

次韻送程六表弟

君家兄弟真連璧

續晉夏侯湛美容觀與潘岳同與接茵京師謂之連璧

門十朱

輪家萬石

厚楊惲傳云乘朱輪者十人又石奮傳景帝曰石君與四子皆二千石人臣尊寵舉集其

門號奮為萬石君

竹使猶分刺史符

援文帝二年九月初與郎守為銅虎符竹使符

尚

方行賜尚書賜

見將往終南注

前年持節發倉庫

厚汲黯傳河內失火燒十

餘家上使點往視之還曰家人失火屋比延燒不足憂
臣過河內河內貧人傷水旱萬家或父子相食臣謹以
便宜持節發河內倉粟以賑貧民到處賣刀收繭粟

賣刀

請歸節伏矯制罪上賢而釋之
事見山村五絕續禮 歸來閉口不論功却走渡江誰復
記天地之牛角蜺粟

惜君才不用如澗松

續左太冲詩
鬱鬱澗底松

我老得全似社櫟

厚

子匠石見社樹不顧遂行歸櫟社見夢
曰使予也而有用且得有此大也邪

青衫莫厭百僚

底援老杜秋明府詩
有才無命百僚底

白首上有千薪積

續汲黯云陛下
用人如積薪後

來者 憶昔江湖一釣舟無數雲山供點筆未應便障西

風扇

見王庭老退
居見寄詩註

只恐先移北山檄憑君寄謝江南叟

念我空見長安日

見陳日峰詩

浮江沂蜀有成言江水在此

吾不食

續晉桓玄曰江水在此吾不食言

送錢穆父出守越州二首

堯卿穆父自開封府出守會稽

簿書常苦百憂集杯酒今應一笑開京兆從教思廣漢

會稽聊喜得方回

次公趙廣漢以蒲坐之劾下獄被罪吏民守闕號泣者數萬人願代趙京

兆死使收養小民廣漢竟坐腰斬廣漢為京兆廉明威制豪強小民得職百官追思歌之至今又晉書郗愔字方回在北府徐州人多勁悍桓溫云京口酒可飲兵可用深不欲愔居之而遺賤自陳老病甚不堪人間乞閑地自養溫得賤大喜即轉愔為會稽太守

若耶溪水雲門寺賀監荷花空自開

師若耶溪雲門寺在越州會稽縣南

齊何胤嘗遊焉又賀知章歸老會稽亦在此

我恨今猶在泥滓勸君莫棹酒

船回

厚杜甫奉先劉少府新畫山水障歌云若耶溪雲門寺吾獨胡為在泥滓青鞋布襪從此始又李白

云稽山無賀老却棹酒船回

送程七表弟知泗州

倬名之劭字懿伯

江湖不在眼塵土坐滿顏繫舟清洛尾初見淮南山淮

山相媚好曉鏡開烟鬟

厚退之炭谷湫祠堂詩握玉紆烟鬟

持此娛使君

一笑簿領間使君如天馬

援漢書禮樂志有天馬下

朝燕暮荆蠻時

無王良手空老十二閑

厚周禮校人天子十有二閑

聊當出毫末化

服狡與頑勿謂無人知古佛臨清灣赤子視萬類流

萍閱人寰但使可此人餘事真茆管

師泗州大聖塔臨泗水舟人往來與

居人祈禱立有應謂郡政能可此人則餘事等茆管矣

送曹輔赴閩漕

充卿字子方海陵人

曹子本儒俠筆勢翻濤瀾往來戎馬間邊風裂儒冠詩

成橫槊裏插墨何曾乾

季長穎州荀濟與梁武帝有舊而帝素輕之及受禪乃入北嘗

云會於插鼻唐墨作文微

一旦事遠遊紅塵隔嚴灘平生羊炙口並

海收鹹酸

並字音
普浪反

一從荔枝食豈念首蓓盤

見和子
由詩注我

亦江海人

厚謝靈運詩本自江
海人忠義感君子

市朝非所安常恐青霞

志坐隨白髮開淵明賦歸去談笑便解官今我何為者

索身良獨難憑君問清淮秋水今幾竿我舟何時發霜

露日已寒

送蹇道士歸廬山

物之有知蓋恃息

厚莊子外物篇物之有知
者恃息其不殷非天之罪

孰居無事

使出入

續莊子天運篇孰居無事而推行是孰居無事
淫樂而勸是孰居無事而披拂是師養生論世

人任自然而息至近但其所利者唯化心無天遊室不食而已矣若神能御氣則口鼻不失息心無天遊室不

空六鑿相攘婦爭席

援莊子室無空虛則婦姑勃蹊心無天遊則六鑿相攘任莊子舍者

與之爭席法師逃入廬山中無人自往還往者一空還

者失此身正在無還間

次公楞嚴經云佛謂阿難當示汝無所還地且以八還語之明

還日輪暗還黑月通還戶牖塞還牆宇緣還分別頑虛還空鬱傲還塵清明還霽而阿難復問無還云何也

綿綿不絕微風裏內外丹成一彈指

厚老子云綿綿若存用之不勤師道

家以烹鍊金石為外丹龍虎胎息吐故納新為內丹人間俯仰三千秋騎鶴歸來

與子遊

見張安道見示近詩

送周朝儀守漢州

茶為西南病氓俗記二李

杞與稷也倬元豐五年十月李稷傳云初蜀茶額歲三十

萬至稷加為五十萬熙寧三年朝廷依李杞等申請權川茶

何人折其鋒矯矯六君

子

思道與姪正孺張永微吳醉翁呂元君宋文輔

君家尤出力流落初坐此謂

當收桑榆華髮看劍履

援光武曰失之東隅收之桑榆

胡為犯風雪歲

晚行未已念歸誠得計顧自為謀耳

次公周氏蜀人也其出守漢州亦自

為謀也

吾聞江海間瘡痍有未起莫輕龔遂老君不付尺

箋召還當有詔挽袖謝鄰里猶堪作水衡供帳園林美

次公宣帝即位渤海盜賊並起丞相舉遂為太守時遂年七十餘召見形貌短小宣帝望見不副所聞心內輕焉謂遂曰何以息其盜賊遂對云云上許焉至渤海盜賊悉平吏民皆富實獄訟止息後上以遂年老不任公卿拜為水衡都尉水衡典上禁苑供帳官館為宗廟取牲官職親近上甚重之以官青卒

送千乘千能兩姪還鄉

治生不求富讀書不求官譬如飲不醉陶然有餘歡君看龐德翁白首終泥蟠宜無子孫念顧獨遺以安鹿門

上冢回牀下拜龍鸞躬耕竟不起耆舊節獨完

次公後漢龐德

公襄陽人也居峴山之南未嘗入城府荊州刺史劉表數延請不能屈乃就候之謂曰先生苦居畎畝而不肯

官祿後世何以遺子孫乎公曰世人皆遺之危今獨遺之安雖所遺不同未為無所遺也表歎息而去後遂携其妻子登鹿門山因採藥不返本傳注引襄陽記曰司馬德操嘗詣德公值其渡汚上先人墓德操徑入其堂云徐元直約來就我與德公談又云諸葛孔明每至德公家獨拜牀下又徐元直云孔明卧龍也又司馬德操曰此間自有伏龍鳳雛先主問為誰曰諸葛孔明龐士元也此四韻皆龐德公事或曰鹿門上冢回牀下拜龍驚兩句其用事可疑鹿門自是與妻子採藥處上冢自是度汚上而上冢回相見自是司馬德操非諸葛孔明也以俟

念汝少多難冰雪落綺紈厚劉孝標絕交論有綺紈公子五子

如一人奉養真色難

子仁五子即千乘千之千能千秋千鈞也烹雞獨餽母

自饗首脔盤

援郭太傳茅容字季偉陳留人也林宗見之請寓宿旦日容殺雞為饌林宗以為已

設既而供其母自以草蔬與客同飲林宗拜之曰卿
賢乎哉因勸令學卒以成德首藉梨見和子由詩注口

腹正累人寧我食無肝

厚後漢太原閻貢字仲叔客居安邑老病家貧不能得肉日買

猪肝一斤屠者或不肯與安邑令閻敕令常給仲叔怪而問知之乃歎曰閻仲叔豈以口腹累人邪遂去客沛

以壽終

西來四千里敝袍不言寒秀眉我似兄亦復心閒

寬

子仁我兄即太子中含不欺而提刑渙之子也

忽然舍我去歲晚留餘酸我

豈軒冕人青雲意先闌汝歸蒔松菊環以青琅玕擅陰

三年成可以挂我冠

續杜詩飽聞樵木三年大興致溪南十畝陰

清江入城

郭小圃生微瀾相從結茅舍曝背談金鑾

次公金鑾殿名在東內還

同殿之西北唐陸扆字祥文充翰林學士又拜中書舍人嘗金鑾作賦命學士和扆先成帝覽而嗟挹之

送周正孺知東川

得郡書生榮還家昔人重而況東西川千騎許上冢

厚前

溪許白為定襄太守上書願過故郡鴈門上父祖冢有詔太守都尉以下會此州人以為榮

里門下

車入父老自驚聾

次公皇甫謐高士傳李耳之師嘗謂李耳曰過故鄉而下車子知之乎師

石慶醉歸入外門不下車父奮讓曰內史貴人入閭里里中長者走匿而內史坐車中自如故當

端如

何武賢不事長卿寵

次公按武傳武之美事甚多為九卿時多所舉奏號為煩碎不稱其

賢公功名略比薛宣而其材不及也而經術正直過之恐別有載稱武賢字以俟博聞又案相如傳相如以中

郎將建節使蜀太守以下郊迎清時養材傑杞梓方培
縣吏負弩矢先驅蜀人以為寵

擁次公陸韓卿詩
離宮收杞梓

未應遺合抱取用及杞拱

厚老子合抱之木生

於毫末仔莊子宋有荆氏者宜楸
柏桑其拱把而上者求狙猴之杙

如君尚出麾

無已顏延年詩

一麾乃
出守

顧我宜耕壟告歸謝先手求去悔不勇豈云慕

廉退實自知哀兄為君掃棠陰畫像或相踵

蜀中太守無不畫像

者子仁按先生集中書諸公送周梓州詩
後序引此詩有方上章請郡代正孺之語

次前韻再送周正孺

東川得望郎

師唐李義山酬令狐郎中詩望郎臨古郡

坐與西爭重高風傾

石室舊學鄙文冢

次公按本朝趙升成都記載顏師古注文翁傳云文翁學堂于今在益州

城內按舊記文翁造講堂及石室講堂一名明堂宮石室一名玉堂又按唐文粹載劉蛻梓州兜率寺文冢銘其序云文冢長沙劉蛻字復愚為文不忍棄其草藳而封之也其銘曰文乎文乎有鬼神乎風水為真將利其子孫

蜀人安使君所至野不聳竹馬迎細侯大錢送劉

寵

次公左傳在野不聳細侯後漢郭伋之字也王莽時為并州牧世祖十一年又為并州牧其前在并州也

素結思德及後始至行部到西州美稷有童兒數百各騎竹馬於道路次迎拜伋問兒曹何自遠來對曰聞使君到喜故來奉迎後漢劉寵拜會稽太守郡中大化徵為將作大匠山陰縣有五六老史龐眉皓髮自若耶山谷間出人賁百錢以送寵

遙知句谿路老稚相扶擁

次公

今有句谿神廟貌甚雄乃此路也師句谿在中江縣西

看畫古叢祠百怪朝幽拱

牛頭與兜率雲木蔚堆壠

厚牛頭兜率梓州二寺老杜皆有詩

醉鄉追舊

遊

天祐唐王績著醉鄉記一篇

筆陣賈餘勇

續左傳齊高固入晉師礮石以投人曰欲勇者

賈子餘勇驍父晉王右軍嘗著筆陣圖一篇云夫紙者陣也筆者刀稍也意者將軍也

聊將詩酒

樂一掃簿書冗西風吹好句珠玉本無踵

次公戰國策云珠無足去

此數千里而所以能來者好之也

送呂昌朝知嘉州

不羨三刀夢蜀都聊將八詠繼東吳

續王濬為廣漢太守夜夢三刀懸於

臥屋梁上須臾又益一刀薄甚惡之李穀曰三刀為州
字又益一刀者明府其臨益州乎果遷益州刺史次公
昌朝得宋復古書八景圖來嘉州其目曰洞庭晚靄廬
阜秋雲平田鴈落遠浦帆歸雨暗江村雪藏山麓泉
古柏石岸孤松八詠繼東吳則臥看古佛凌雲閣勅賜
沈休文嘗有東吳八詠者也

詩人明月湖

次公凌雲閣即九頂寺有大佛之像明月湖在州治之東

得句會應緣

竹鶴思歸寧復為蓴鱸橫空好在修眉色

子仁退之南山詩天宇浮

修頭白猶堪乞左符

厚漢文帝為銅虎竹使符右留京師左以興之師公送張嘉州詩云

少年不願萬戶侯亦不願見韓荊州頗願身為漢嘉守載酒時作凌雲遊乞左符蓋申前意

送子由使契丹

倬元祐四年三月十一日子瞻出知杭州八月十六日詔子由為賀

遼國生辰

國信使

雲海相望寄此身那因遠適更沾巾

子仁杜南征詩餘生長避地適遠更

沾不辭驛騎凌風雪要使天驕識鳳麟

厚匈奴傳單子遠漢書自云胡

者天之驕子

沙漠回看清禁月湖山應夢武林春

次公清禁月言子由

之念禁省武林春言子由之念杭州水經注錢塘縣有武林山魏先曰杭州圖經武林在錢塘縣舊治之北半

里單于若問君家世莫道中朝第一人

次公唐李揆美風儀善奏對帝

歎曰卿門地人物文學皆當世第一信朝廷羽儀乎又德宗幸山南揆為盧杞所惡用為入蕃會盟使拜尚書

左僕射揆至蕃酋長曰聞唐有第一人李揆公是否揆畏留因絀之曰彼李揆安肯來耶

座上復借韻送奇嵐軍通判葉朝奉

十朋此詩借劉景文韻

雲間踏白看纏旗

次公先生言奇嵐邊州所見師軍中有踏白馬過行師以為先驅

莫

忘西湖把酒時夢裏吳山連越嶠

次公言葉朝奉懷吳越也

尊前羌

婦雜胡兒

次公言奇嵐軍也

夕烽過後人初醉

師夕烽過工平安火也

春

鴈來時雪未滋為問從軍真樂否書來麤遣故人知

次公

王粲有從軍詩云從軍有苦樂但問所從誰

送鄧宗古還鄉

廣漢有姜子孝弟行里間

續後漢姜詩廣漢人事母至孝

赤眉雖豺虎

弛兵過其墟

續前漢末赤眉散賊經詩里死兵而過曰驚大考必觸鬼神

至今空清

泉無復雙鯉魚

見李修孺留別詩注

南鄭有李卻得妙甘公書

次公

後漢李卻漢中南鄭人善河洛風星漢初有甘公石公亦知星夢齡晉志云齊有甘德魏有石申夫皆掌天文

夜坐指流星驚倒兩使車

次公和帝即位分遣使者皆微服單行各至州縣觀採風

謠使者二人當到益部投命侯舍時夏夕露坐卻因仰觀問曰二君發京師時寧知朝廷遣二使耶二人默然驚相視曰不聞也問何以知之命指星抱關不肯仕布

褐蒙璫璵

次公抱關不肯仕所以言李卻縣召著幕門候吏也師蕭望之傳王仲翁謂望之碌碌反

抱關為西南固多士君得二子餘

師宗古事親孝亦精於星歷之學故用姜詩李

邵二
子事

凜凜忠文公搜士及樵漁

次公忠文公謂范景仁也宗古必景仁門生矣

澗谿有幽討

援老杜詩李侯金閨彦脫身事幽討

蘋芷真嘉蔬

次公或云無芷字恐

悞

歲晚終不食心惻當何如

厚易井卦井渫不食為我心惻

次韻送張山人歸彭城

堯卿張驥也

羨君飄蕩一虛舟

續莊子有虛船來觸舟

來作錢塘十日遊水洗

禪心都眼淨

次公先生又次韻曹子方同游西湖云上下碧流清似眼

山供詩筆總

眉愁雪中乘興真聊爾

見徑山道中答周長官詩

春盡思歸却罷休

何日五湖從范蠡種魚萬尾橘千頭

續柳子厚游黃溪記曰有魚數百尾橘千頭事

見姬安節遠來夜坐詩充脚范蠡種魚經云以活鮒魚用竹刀破之入水銀少許同水津油菜碎之和拌入魚腹內再以菜裏之懸空處四十九日用河水取腹內元子一二粒置於水中以物蓋之少時一粒即一魚乃魚活小盆中遊只依元種云云

仲元貺王元直自眉山來見予錢塘留半歲既行

作絕句五首送之

仲君宜弟多學王子清修寡言

續王獻之與兄弟語謝安既出客問優劣安曰

小者佳客問其故曰古人之辭寡次公揚子云寡言而法君子也

病後空驚鶴瘦時來

或作鵬鸞

子仁李白詩一屈雖百里鵬鸞望三台

海角煩君遠訪江源與我同來剩作數詩相送莫教萬

里空回

三人一旦同行

二子與秦少游同寓高齋復同舟北行

留下高齋月明遙

想扁舟京口尚餘孤枕潮聲

更欲留君久住念君去國彌年空使犀顙玉頰

次公犀顙玉頰

先生之子也

長懷髯舅悽然

為予遠致慇懃瑞草橋邊老人紅帶雅宜華髮

善權詩文發源

云王慶源以恩榜得官居於青神來從東坡求紅帶坡作長篇并帶贈之詩在集中

白醪光泛新

春

老人王慶源也

次韻劉景文送錢蒙仲三首

堯卿是時穆父在越州岳仲蒙仲皆來錢

塘蒙仲欲往赴舉景文以詩送之云膝下五車就紫殿前三月亨途日出喚君名姓春風吹過江湖又文價從今第一家風經古無倫不假湘靈十字知君才倍前人又俊氣將探虎穴清才早踐龍門故此隔江白鷺萬人回首王孫自注君出蘇翰林門下有和君秦少章云二子有如雙白鷺隔江相照雪衣明

誰識天閑老驥不爭日暮長途

師伍子胥曰日暮途遠吾故倒行而逆施之

送盡青雲九子

次公言穆父有九子也嘗戲呼之為九子母文夫又南史何承天已老為著作

郎諸佐並年少荀伯子嘲曰妹母承天曰卿當云鳳皇將九子妹母何言耶

歸去扁舟五湖

援范蠡乘扁

舟汎五湖

寄語竹林社友同書桂籍天倫王郎獨為鬼錄世間無

此玉人

續裴衡珩珩人皆謂之玉人

五字古原春草

援白居易以詩謁顧況況戲之曰長安物貴居大不易及讀至古原草送別云

野火燒不盡春風吹又生於是稱歎

千金漢殿長門

次公漢武帝陳皇后廢居長門宮奉百金

於司馬相如為作賦以悟主上

經緯尚餘三策

先卿錢氏先世易與純老皆應制舉答策甚工

典刑留與諸孫

介亭錢楊傑次公

堯卿次公號無為子定衡杭州國經云介亭在舊治後聖

果寺熙寧中郡守祖無擇對排衙石作介亭左江湖千里在目先生餞次公於此

也亭

籃輿西出登山門

續陶淵明對王弘曰向乘籃輿亦足自反

嘉與我友尋仙

村丹青明滅風篁嶺環珮空響桃花源

郡人謂介亭山下為桃源路堯

卿柳子厚文曰斗折蛇行明滅可見千崕萬壑煥若丹青風篁嶺下山水潺湲如聞環珮之聲無異武陵桃源

前朝欲上已蠟屐

次公晉阮孚性好屐或有詣阮正見自蠟屐因歎曰未知一生當著幾兩

展黑雲白雨如傾盆

厚杜詩白帝城中雲如也白帝城下雨翻盆

今晨積雪

卷千里豈畏觸熱生病根

子仁老杜貽柳少府詩自非曉相訪觸熱生病根

在

家頭陀無為子

次公在家頭陀則鳥窠禪師所謂如謝靈運之傳也

久與青山為

弟昆孤峰盡處亦何有西湖鏡天江抹坤

援杜牧之詩大江吞天去

一練橫坤抹

臨高麾手謝好住清風萬壑傳其言風回響答

君聽取我亦到處隨君軒

次京師韻送表弟程懿叔赴夔州運判

與子甥舅氏推顏各蒼顏竝為東諸侯長此佳江山寒
松無時花安得挿髻鬟惟將老不死一笑榮枯間我甚
似樂天但無素與蠻挂冠及未耄當獲一紀間子亦拙

進取才高命堅頑譬如萬斛舟行此九折灣仲氏新得

道一漚自塵寰

君之兄德孺自言近於佛法有得

歲晚家鄉路莫遣生

榛菅

送張嘉州

少年不願萬戶侯亦不願識韓荆州

援李白上韓荆州書曰天下之談士

相聚而言人生不願萬戶侯但願一識韓荆州頗願身為漢嘉守載酒時作凌

雲遊

次公嘉州九頂山上寺曰凌雲

虛名無用今白首夢中却到龍泓

口次公龍泓口在凌雲之上土人謂之龍泓

浮雲軒冕何足言惟有江山難

入手峨眉山月半輪秋影入平羌江水流謫仙此語誰

解道請君見月時登樓笑談萬事真何有一時付與東

巖酒

佛峽人家白
酒舊有名

歸來還受一大錢好意莫違黃髮叟

送李陶通直赴清溪

堯卿大臨之子
大臨字才元

忠文文正二大老

司馬溫公范蜀
公君之師友

蘇李廣平三舍人

蘇子

客來次道與先公才元熙寧中封
還李定詞頭天下謂之三舍人

喜見通家賢子弟

孔續

融謂李膺曰先君孔子與君先人李老君
同德比義而相師友則融與君累世通家自言得邑少

風塵

次公陸機詩
京洛多風塵

從來勢利關心薄此去溪山琢句新

肯向西湖留數月錢塘初識小麒麟

厚杜詩盡是天上麒麟兒

送陳之邵僉判赴闕

夜光不自獻

續史記卬陽書曰明月之珠夜光之璧以暗投人於道衆莫不按劍相盼何則無因

而至前也

天驥良難知從來一狐腋

援國策云千羊之皮不如一狐之腋或出

五段皮

厚百里奚亡秦走宛楚鄙人執之秦穆公以五段皮贖之

賢哉江東守收此

幕中奇無華宣易識

子仁漢章帝詔曰安靜之吏惻恤無華

既得不自隨

留君望此府

子仁舊唐書皇甫公義檢校沛王府長史引韋思謙為同府倉曹謂思謙曰公豈此

池中之物屈公為數旬客以望此府耳

助我憐其衰二年促膝語一旦長

揖辭林深伏猛在岸改潛珍移

次公伏猛以言虎潛珍以言龍先生又有潛珍

閣銘倬賈誼賊襲九淵之神龍兮沕淵潛以自珍

去此當安從失君徒自悲念

君瑚璉質當今臺閣宜去矣會有合豈常懷其私

送江公著知吉州

三吳行盡千山水猶道桐廬更清美

次公桐廬公著鄉里也而桐廬縣在

今嚴州 豈獨濁世隱狂奴

援司徒霸與嚴光素舊連使奉書先答曰懷仁輔義天下悅阿

諛順旨要領絕霸得書封奏之帝曰狂奴故態也

時平亦出佳公子

子仁史記太史公曰

平原君翩翩濁世之佳公子也

初冠惠文讀城旦

次公漢張武曰梁國大都吏民凋敝且當

以柱後惠文彈治之耳秦時獄法吏冠柱後惠文武
意以刑法治梁也城旦則司空城旦書蓋刑書也晚

入奉常陪劔履

次公奉常今之太常也蕭何劔履上殿

方將華省起彈冠

援貢禹傳王陽

忽憶釣臺歸洗耳

續嚴光除諫議大夫不屈車駕即日幸其

在位貢禹彈冠

館光卧不起帝即其卧所撫光腹曰咄咄子陵不可相

助為理耶良久乃張目熟視曰昔唐堯著德巢父洗耳

士固有志何至相迫乎

未應良木棄大匠要使名駒試千里奉觀

官舍當有擇得郡江南差可喜白梁連牆一萬艘

倬郭景純

江賦云軸櫓相屬萬里連牆注軸船傍櫓船尾桅檣掛帆木也

紅粧執樂三千指簿書

期會得餘閒

師前漢禮樂志大臣持以簿書不報期會為故至於風俗流溢恬而不怪以為是適

然亦念人生行樂耳

次公楊惲詩人生行樂耳須富貴何時

送歐陽主簿赴官韋城四首

鳳雛驥子日相高

次公杜詩竇侍御驥之子鳳之雛年未三十名位俱

白髮蒼顏

笑我曹讀遍牙籤三萬軸

續韓詩鄴侯家多書棟架三萬軸一一懸牙籤新若手未

觸却來小邑試牛刀

出處年來恨不齊一尊臨水記分携江湖咫尺吾將老

次公先生不忘杭州又屢有乞越之興故欲老於江湖也

汝潁東流子却西

白馬津頭春水來

厚九域志滑州黎陽津一名白馬津

白魚猶喜似江淮

使君已復冰堂酒更看重新畫舫齋

次公韋城在滑州主簿之父醉翁嘗

官滑州白馬津滑州之地也醉翁知滑州有冰堂酒法作畫舫齋今先生之意所謂使君指見任之太守雖已復造冰堂酒而未修畫舫齋因醉翁之子往為主簿遂令勸太守更修其父遺迹

道傍垂白定沾巾正似當年綠髮新故國依然喬木在
典刑復見老成人

送歐陽推官赴華州監酒

我觀文忠公四子皆超越

次公謂伯和仲純叔獨季默也

仲也徑寸珠

照夜明如月

續搜神記隨侯見大蛇被傷而治之後蛇銜珠以報其珠徑寸純白夜有光明如月

之照一名隋侯珠一名明月珠好詩真脫兔厚孫子九地篇始如處女

及下筆先落鵲知音如周郎援吳志周瑜字公瑾少精於音樂雖三爵之後其有

闕誤瑜知之必顧人為之語曰曲有誤周郎顧議論亦英發次公吳志孫權論呂蒙曰子明學問

間益驚略奇至可以次於公瑾但言議英發不及之耳文章乃餘事學道探玄窟

死為長白主然寧之末仲純父見僕於京城之東曰吾夢道士持告身投吾曰上帝命汝為長白

山主此何祥也明年仲純父沒安國松漢紀聞云長白山在冷山東南白衣觀音所居其山禽獸皆白人或穢

其間則致名字書絳闕厚金泉碑謝自然欲過海求師或謂蓬萊去弱水三十萬里不

蛇虺之害可到天台有司馬子微身居赤城名在絳闕可住從之傷心清潁尾厚左傳楚子

于頔尾注頔水之尾在下蔡西已伴白鷗沒喜見三年少俱有千里骨

千里不難到莫遣歷塊蹶

續王褒聖主得賢臣頃過都越國蹶如歷塊

臨分

出苦語願子書之笏

次公唐書魏徵死太宗使人至其家得書一紙始半幅大抵論任賢

去邪之事帝曰朕顧思之恐不免於過公卿侍臣可書之於笏知而必諫也

送歐陽季默赴闕

先生豈止一懷祖郎君不減王文度膝上幾日今白鬚

次公王述字懷祖其子坦之字文度雖長大述嘗置之膝上先生指言歐陽永叔也王彪之年二十而髮白時

號王白鬚令我眼中見此父厚南史王戎字景文表聚見之稱其風流或云景文比謝叔源

猶爲野父榮惆悵良久
曰但眼中不見此人

汝南相從三晦朔君去苦早我

來暮霜風淒緊正脫木

厚謝希逸月賦洞庭始波木葉微脫

潁水清淺可

立驚莫辭白酒瀉香泉

次公香泉酒名

已覺扁舟掠新渡坐看

士衡執別手更遣夢得出奇句

次公晉陸機字士衡雲之兄意謂叔弼與之別

也唐劉禹錫字夢得意謂劉景文必有送行詩

郎君可是篋庫人

厚禮記檀弓云趙文子舉

晉國篋庫之士七十餘家

乃使驥騄隨蹇步置之行矣無足道賢愚

豈在遇不遇

次前韻送劉景文

白雲在天不可呼

次公西王母為周穆王謠曰白雲在天山陵自出道里遙遠山川間之

明月豈肯留庭隅怪君西行八百里清坐十日一事無

路人不識呼尚書但見凜凜雄千夫

君一馬兩僕率然相訪逆旅多呼尚

書意謂君却頭也

豈知入骨愛詩酒醉倒正欲蛾眉扶一篇向

人寫肝肺四海知我霜鬢鬚

君前有詩見寄云四海共知霜雪滿重陽曾神菊花

無歐陽趙陳皆我有豈謂夫子駕復遷爾來又見三黜

柳共此煖熱食瓊蘇

厚前漢蘇武使匈奴單于留武置大窖中絕不飲食天雨雪武卧齧

雪與瓊毛并咽

酒有酸薄紅粉暗祗有潁水清而殊一

之數日得不死

朝寂寞風雨散對影誰念月與吾

郗中曰與歐陽叔弼趙景貺陳履常相從

而景文復至不數日柳戒之亦見過賓客之盛頃所未有然不數日叔弼景文戒之皆去矣

何時歸

帆泝江水春酒一變甘棠湖

景文近卜居九江近甘棠湖

送王疎朝散赴闕

我家衡山公清而畏人知

續晉良史傳胡威實之子也武帝嘗謂威曰卿孰與父清

對曰臣不如也臣父清恐人知臣清畏人不知

臧否不出口

援晉阮籍雖不拘禮數然發言立達

口不臧否人物

默識如蒼龜擢子拱把中云有驥驤姿胡為三

十載尚作窮苦詞

續退之荆潭唱和詩序權愉之辭難工窮苦之言易好

文人不

妄語未効此何疑
竭來清潁上淚濕
中郎詩怪我一年
長而作十年衰
同時幾人在豈敢
怨白髭願君指松
柏
永與霜雪期

伯父為衡州日與
君相知有送行詩

送潞都曹

并引

乖崖公在蜀

厚范蜀公東齋記張詠自蜀代去留一
卷實封文字與僧正希白且云十年後

開後十年公薨於陳計至僧發開所留文字乃公畫
像自贊曰乖則遠求崖不利物乖崖之名聊以自表
德因號
乖崖公
有錄事叅軍老病廢事公責之曰胡不歸明

日叅軍求去且以詩留別其畧曰秋光都似宦情薄

山色不如歸意濃公驚謝之曰吾過矣同僚有詩人
而吾不知因留而慰薦之予幼時聞父老言恨不問
其姓名今都曹潞君以小疾求致仕予誦此語留之
不可乃探前人意作詩送之并送趙德麟陳履常各
賦一篇

積雪困桃李春心誰為容淮光釀山色先作歸意濃我

亦倦游者

續前漢司馬相如傳言長卿故倦游

君恩繫疎慵欲留耿介士

伴我衰遲蹤吏課升斗積崎嶇等鉛舂

援前漢江都易王建宮人有過

者髡鉗以鉗杆
春不中程輒掠

那將露電身

次公維摩經言是身如電念念不住又佛書云如露

亦如

坐待收千鍾結髮空百戰市人看先鋒誰能搔白

首抱關望夕烽

厚前漢蕭望之以射策甲科為郎上署東都侯王仲翁謂之曰不肯碌碌反抱

闕子意諒已成我言寧復從恨無乖崖老一洗芥蒂胃

我田荆溪上

次公荆溪有田先生實事此後滕達道挽詞中亦云荆溪欲歸老也堯卿荆溪在常

之宜

伏臘亦麤供懷哉江南路會作林下逢

新渡寺送任仲微

春陰欲落雪野氣方升雲我游清潁尾想見翠被君

次公

左傳楚子狩于州來次于潁尾圍徐以懼吳楚子次于乾谿以為之援雨雪王史冠秦復陶翠被豹舄執鞭以

出古來聚散地

厚杜詩古來聚散地宿昔長刺棘

與子復言分倦遊安

稅駕

續漢書司馬長卿故倦遊君實史記李斯云當今大臣之位無居臣上者吾未知所稅駕矣

瘦

田失歸耘獨宿古寺中荒雞亂鳴羣

次公晉書祖述開荒雞而起舞

送

子以曉角幽幽醒時聞

送運判朱朝奉入蜀

藹藹青城雲娟娟峨眉月

次公此篇惟反覆用峨眉雲月為意青城山則岷也峨眉

則峨也杜詩云自為青城客不唾青城地伯恭青城山記云蜀之山近江源者通謂之岷山連峯接岫千里不

絕青城乃第一峯也福地記云青城山高三千六百丈周回五十里隨我西北來照我光

不滅我在塵土中白雲呼我歸我游江湖上明月濕我

衣岷峨天一方雲月在我側謂是山中人相望了不隔

夢尋西南路默數短長亭

厚庾子山哀江南賦云十里五里短亭長亭似聞

嘉陵江

續山水至嘉陵江其源出于大散關嘉陵谷

跳波吹枕屏送君無一

物清江飲君馬路穿慈竹林

明仲茅亭客話慈竹林聚生根不離母故名之慈也

父老拜馬下不用驚走臧使者我友生聽訟如家人

援唐

書陽城為道州刺史以家人法待吏人宜罰者罰之宜賞者賞之

細說為汝評若逢山

中友問我歸何日為話腰腳輕猶堪踏泉石

和趙德麟送陳傳道

二陳既妙士兩歐惟德人

次公二陳言傳道履常也兩歐言叔弼季默也

王孫

乃龍種

續杜甫哀王孫詩高帝子孫盡龍種降韋自與常人殊

世有籊雲鱗

援漢武天

馬歌籊浮雲掩上馳

五君從我游傾瀉出怪珍俗物敗人意

續晉王戎

與阮籍為竹林之游戎嘗後至籍曰俗物復來敗人意

茲游實清醇那知有聚散

佳夢失欠伸我舟下清淮

次公先生將離潁州而赴揚州故云

沙水吹玉

塵

次公幽怪錄載橋中四叟相謂曰汝輸我瀛洲玉塵九斛

君行踏曉月疎木挂寸

銀尚寄別後詩翦刻淮南春

送陳伯脩察院赴闕

裕陵固天縱

次公裕陵系神宗皇帝也

筆有雲漢姿

次公詩曰倬彼雲漢為章于天

嘗重連山象

援連山易名夏曰連山商曰歸藏周曰周易其實一也伏羲畫八卦文王重之為六

十不數秋風辭

續漢武帝幸河東祠后土作秋風辭云秋風起兮白雲飛草木黃落兮鴈南飛

龍騰與虎變狸豹復何施

厚揚子大人虎別君子豹別群人狸別狸變則豹豹變則

虎我窮真有數文字乃見知

次公先生因言陳伯修殿策時為求神宗所知故肯

述神聖之文而自言其誤蒙聖知乃稱述伯修亦受知之事也

聞君射策日妙語發時

咨一日喧萬口驚倒同舍兒豈知二十年道路猶遲遲

苦言如藥石

援史記商鞅言苦言藥也甘言疾也養源唐太宗賜高馮鍾乳一劑曰而進藥石之

言朕以藥石相報

瞑眩終見思

次公此言伯修歟策時獻直言也

屈信反覆手

獨於君可疑四門方穆穆行矣及此時

送張嘉父長官

都城昔傾蓋駿馬初服輶

次公輶車輶也馬服輶史所謂服輶之馬也考工記輶人

為輶有國馬之輶有田馬之輶有駕馬之輶而張衡賦云馬倚輶而徘徊

再見江湖間秋鷹

已離鞵

次公鮑明遠詩昔如鞵上鷹今似檻中猿

于今三會合每進不少留

豫章既可識

次公豫章堅勁之木最難長其木生之時雜在草萊未易辨識識淮南子曰豫章生七

年而可知也

瑚璉誰當收微官有民社妙割無雞牛歸來我

益敬器博用自周

續後漢伏湛傳論曰器博者無近用道長者其功遠

百年子初

筵

援詩賓之初筵

我已迫旅

酬次公筵將終而勸衆人酒謂之旅酬禮記曾子問曰祭如之何

則不行旅酬之事

但當記苦語高節貫白頭

次韻范淳父送秦少章

宿緣在江海世網如予何

予仁文選陸機詩借問予何之世網嬰我身

西來

庾公塵

續晉王導傳庾亮雖在外鎮而執朝廷之權趨向者多歸之導內不能平嘗遇西風塵起舉扇

自蔽徐曰元規塵汗人

已濯長淮波十年淮海人初見一麥禾

公次

春秋莊公三十八年大無麥禾十年見一麥禾言久不登豐也

但欣爭訟少未覺舟車

多秦郎忽過我賦詩如卷阿

次公卷阿之詩言求賢用吉士此必秦之詩中勸先

生薦賢故下句多言薦拔之意也

句法本黃子

謂魯直也

二豪與措磨

其兄少游

與張文潛

嗟我久離羣

援禮記子夏曰吾離羣而索居亦已久矣

逝將老西河

續禮

記曾子謂子夏曰事夫子於洙泗之間退而老於西河之上

後生多名士欲薦空悲

歌小范真可人

次公桓溫過王墓曰可人可人

獨肯勤收羅瘦馬識

騷耳

次公騷耳穆天子駿馬名史記滑稽傳曰相士失之貧相馬失之瘦枯桐得雲和周

禮雲和之琴瑟

近聞館李生

李方鷹

病鶴借一柯

厚成都記李義父作烏詩曰上

林無限樹不借一枝栖太宗曰將與卿全樹何止一枝

贈行苦說我妙語慰蹉跎

西羌已解仇

續趙充國傳先零與諸羌解仇交質盟詛

烽火連朝那

次公朝那西邊

地名屬安定

坐籌付公等

任前漢朱義謂項羽曰坐運籌策公不如我

吾將寄潛

沱

次公潛沱成都水名先生言吾則歸休於此也

次韻蘇伯固游蜀岡送李孝博奉使嶺表

新苗未沒鶴

任退之稻畦詩魚肥知已秀鶴沒覺秋深

老葉方翳蟬

子仁傳玄蟬賦

翳密葉之重蔭分處開樹之肅清

綠渠浸麻水白板燒松煙笑窺有紅

頗醉臥皆華顛家家機杼鳴樹樹梨棗懸野無佩犢子

解謂人不事武而皆耕種也龔遂為渤海太守民有帶持刀劍者謂曰胡為帶牛佩犢府有騎鶴

仙次公太平廣記昔有四人各言所願甲曰願多財乙曰願為揚州太守丙曰願為神仙丁皆笑之衆問如

何曰腰纏十萬貫騎鶴上揚州欲兼三子之願也先生為揚州故以騎鶴為言觀風嶠南使出

相山東賢次公嶠南即嶺南也李孝博山東人而又相家子故云出相山東賢山東出相語在前漢

贊渡江弔狼石續狼石在潤州甘露寺有石如羊相傳謂之狼石云諸葛孔明坐其上與孫仲

謀論曹過嶺酌貪泉援晉書吳隱之為廣州刺史未至州二十里地名石門有水曰貪泉

飲者懷無厭之心隱之既至乃酌而飲與君步徙倚望

彼脩連娟願及南枝謝早隨北鴈翩歸來春酒熟共看

山櫻然

次公沈約詩野棠開
未落山櫻發欲然

送晁美叔

我年二十無朋儔當時四海一子由君來叩門如有求

頎然病鶴清而脩

次公頎然長貌也
詩云頎人其頎

醉翁遣我從子游

翁如退之蹈軻丘

頎退之贈張籍詩云子
身蹈軻丘爵位不早綰

尚欲放子出

一頭

嘉祐初戰與子由寓興國浴室美叔忽見訪云吾
從歐陽公游久矣公令我來與子定交謂子必名

世老夫須放
他出一頭地

酒醒夢斷四十秋病鶴不病骨愈蚪惟有

我顏老可羞

子仁退之送侯繼詩我齒豁何鄙君顏老可憎

醉翁賓客散九州

幾人白髮還相收我如懷祖拙自謀正作尚書已過優

續晉書王述字懷祖與羲之齊名而羲之甚輕之由是情好不協羲之嘗謂賓友懷祖正當作尚書耳投老可得僕射若求會稽便自遽然君求會稽實良箐

次公先生因言美叔求越州故用越州事

實良箐又增用却超為其父方回畫計乞會稽也往看萬壑爭交流

君近乞越州厚晉書

人或問顧愷之會稽山水之狀曰千巖競秀萬壑爭流

送陳德林赴真州

君為縣令元豐中吏貪功利似病農君欲言之路無從

移書諫臣以自通諫臣奏受之也元豐天子為改容次公元豐天子神宗

皇帝我時匹馬江西東問之逆旅言頗同老人愛君如劉

寵續後漢劉寵寵會稽郡有五六老吏從若耶山谷間出人持百錢送寵寵曰吾政何能及公言耶勤苦父

老為人選一小兒敬君如魯恭援後漢魯恭為中牟令爾來明目

達四聰收拾駟駿冀北空君為赤令有古風次公東京惟開封祥

符西京惟河南永安南京惟宋城北京惟元城謂之赤縣其餘乃謂之畿縣也政聲直入明光

宮天廡如海養羣龍并收其子豈不公君之子祁舉制策文學行義為

時所稱白沙何必煩此翁子仁真州唐永正縣白沙鎮也

送蔣穎叔帥熙河并引

穎叔出使臨洮，就與穆父仲至同餞之。各賦詩一篇。

以今我來思，為韻致。遄歸之意，軾得我三。

西方猶宿師，論將不及我。苟無深入計，厚前漢李陵武帝以為有廣之

風使將八百騎深入匈奴二千餘里，緩帶我亦可。厚晉書羊祜在軍不親戎服，嘗輕裘緩帶，承

明正須君。援承明漢殿廬名，嚴助為會稽守，帝賜書曰：君厭承明之廬，勞侍從之事，懷故土，出為郡

吏文字粲藻火。厚尚書宗彞藻火，自薦誰云數。留行終不果，正

坐喜論兵臨老付邊瑣。厚前漢丙吉傳：衆邊長吏瑣科條其人。張晏曰：瑣錄也。欲科條

其人老少及所經歷
知其本以文武進也
新詩出談笑僚友困
掀簸我欲歌

秋杜楊柳方婀娜
次公詩秋杜勞還師之詩也詩曰昔我往矣楊柳依依今我來思雨雪霏霏

婀娜其枝
邊風事首虜
次公首虜奏虜首之數也馮唐傳曰魏尚為雲中守坐首虜差

六級而
所得蓋么麼
厚通俗文云不長曰么細小曰麼
願為魯連書一

射聊城箭
續史記燕將保守聊城齊田單攻之不下死傷無數魯連乃為書約之矢以射城中遺燕

將燕將自
陰功在不殺結草酬魏顓
援左傳載魏武子有嬖妾無子武子

疾命顓曰必嫁是
疾病則曰必以為殉及卒顓嫁之及

輔氏之役見老人結草以抗杜曰回踵而顓故獲之夜
夢之曰余而所嫁婦人之父也
爾用先人之治命余是以報

再送二首

使君九萬擊鵬鵬

鵬鵬，莊子北溟有魚，其名為鵬，化而為鳥，其名為鵬鵬，之徙於南溟也，水擊

三千里，搏風而上者九萬里。

肯為陽關一斷魂，不用寬心九千里安。

西都護國西門

次公安西都護，則唐貞觀中置府也。都護，本漢鄭吉初護鄯善，以西南道既

破，車師降，日遂威震西域，遂并護車師，以西北道故號都護，自吉始焉。

餘办西屠橫海鯤

厚，莊子恢恢乎其於海办必有餘地矣。次公李白詩：橫行青海夜帶刀西

屠石壁，取錦袍而賈誼賦云：橫海之鯨鯨也。子仁應予

詩識是游魂

次公先生舊有本注云：穎叔未有帥兆之命，作危駕詩某和有游魂之句，遂成吟識。

蓋先生詩云回首鵷行有人傑坐知羌虜是游魂是也歸來赴別陶弘景看挂衣

冠神武門

續梁史陶弘景挂衣冠神武門上書辭官

送襄陽從事李友諒歸錢塘

居杭積五歲

師川按年譜先生熙寧四年通判杭州三年又元祐四年知杭州九二年

自

意本杭人故山歸無家欲上西湖鄰良田不難買靜士

誰當親髯張既超然老潛亦絕倫李子冰玉姿

次公髯張老潛

李子皆杭州人髯張不知為誰老潛豈道潛師曰參寥子者乎李子則友諒也

文行兩清淳歸

從三人遊便足了此身公堤不改作姚嶺行開新

次公堤

乃先生所築杭人謂之藕
公堤也姚巖則天姥山也

幽夢隨子去松花落衣巾

送黃師是赴兩浙憲

世久無此士我晚得王孫寧非叔度家宣出次公門

後續

漢黃憲字叔度前漢黃霸字次公

白首沉下吏綠衣有公言

次公當時人有未解

此句問之先生先生曰吾家朝雲每見師是怪其官職不遷耳然後知綠衣指朝雲

哀哉吳越人

久為江湖吞官自倒帑廩飽不及黎元

次公詩意言吳越之人久罹水

患官雖費財於帑庫費糧於倉廩而終不放黎元之饑困也

近聞海上港漸出水底

村願君五袴手招此半菽魂

厚漢書項羽曰歲饑民食士卒食半菽

一見

刺史天

續後漢蘇章字孺文為冀州刺史故人為清河太守章行部按其姦賊乃請太守為設酒肴陳

平生之好甚歡太守喜曰人皆有一天我獨有二天章曰今夕蘇孺文飲故人酒私恩也明日冀州刺史按事

公法也遂稍忘獄吏尊

厚前漢周勃下獄獄吏侵辱之及後出獄曰吾嘗將兵百萬安

知獄吏之貴乎會稽入吾手

厚樂天詩濟源山水好老尹知之久常日聽人言今秋入吾手鏡

湖小於盆

次公是時先生欲乞守越此言水患銷而湖水不泛溢也

比我東來時無

復瘡痍存

送范中濟經略侍郎分韻賦詩軾得先字且贈以

魚枕杯四馬筌一

梁李久樂禍

次公梁李指言而夏三種族也西夏在唐賜姓李則李繼遠是已在前宋朝賜姓趙

元昊是已其承襲者既姓趙而其餘種族猶李姓馬梁猶其妻之黨也梁氏擅權遂至弑立故梁李有用兵相

開之

自焚豈非天

續左傳曰兵猶火也弗戢將自焚也

兩鼠鬪穴中一勝

亦偶然

次公史記秦伐韓軍於闕與廉頗樂乘皆以道遠險狹難救趙奢獨曰道遠險狹譬猶兩鼠鬪

穴中將勇者勝

謀初要百慮事後乃萬全廟堂選世將

援唐書突厥擾

河北武后以薛訥世將以為安東道經略使訥即仁貴之子也

范氏真多賢仁風被宿

麥厚晉書袁宏世為東陽郡謝安送之取一扇授之曰聊以贈行宏曰卿當奉揚仁風慰彼黎庶

綠浪

搖秦川號令聳毛羽先聲落虛弦

厚戰國策更羸與魏王處京臺之下仰見

飛鳥引弓虛發而下之魏王曰射可至此乎更羸曰此

引而高飛我家天一方子仁前漢高孫公主歌去路城

西偏厚左傳鄭伯使公投竿困障日賣劍行歸田續龔

勅海太守令民賣贈君荆魚杯堯祖荆州出副以蜀馬

鞭次公杜牧送冀處士詩贈一醉可以起無令祖生先

援晉劉琨與祖逖為文聞逖被用與親故書曰

吾枕戈待旦志未遑逆虜常恐祖生先吾著鞭

謝仲適座上送王敏仲北使

衝風振河朔次公此已下飛霧失太行相逢不相識下

馬須眉黃洗眼忽驚笑見此王節郎

龜入沈括云古之節如今之虎符其

用則有圭璋龍虎之別

吾有賢主人共此燈燭光聚散一夢中人

北馬南翔吾生如寄耳

次公魏文帝樂府云人生如寄多憂何為又謝安與支遁書云

人生如寄耳終日戚戚當來晤言銷之出法苑珠林

送老天一方

次公此先生言其在定州也

幸子遇明主陳經入西廂

次公言王敏仲之在經筵也

歸期不可緩

倚相宜在傍

續左傳楚子與右尹子革語左史倚相趨而過王曰良史也是能讀三墳五典八索

丘九

送曾仲錫通判如京師

邊城歲暮多風雪強壓香醪與君別玉帳夜談霜月苦

次公玉帳將軍帳也古有玉帳經杜選嚴公詩公留玉帳衛李白司馬將軍歌云退居玉帳臨河魁鐵騎

曉出冰河裂斷蓬飛葉卷黃沙祇有千林鬣鬆花

厚曾子固

云齊地寒甚夜氣如霧凝於木上旦起視之如雪白出飄滿庭階尤為可愛齊人謂之霜松鬣鬆花疑即此者

也應為王孫朝上國珠幢玉節與排衙左援公孝右孟

博我居其間嘯且諾

續後漢汝南太守宗資以郡事委功曹范滂南陽太守成瑨亦委功

曹岑暄郡為語曰汝南太守范孟博南陽宗資主畫諾南陽太守岑公孝弘農成瑨但坐嘯僕夫為

我催歸來要與北海春水爭先回

次韻和錢穆父送別并求頓遞酒

聯鑣接武兩長身

厚禮記堂上接武堂下布武次公韓退之作孔戣墓銘有白而長身之語

鷓鴣驚行中語笑親九子羨君門戶壯

厚先生嘗云錢四莫亂與他名字然

穆父是時已有九子遂以九子母丈夫目之

八州憐我往來頻

次公先生自杭倅徙知密

州又徙徐又徙湖及哲宗即位知登州元祐四年知杭六年知潁七年徙揚至此又知定州前後凡八州也

佇聞東府開賓閣

續公孫弘自徒步數年至宰相封侯於是起賓館開東閣以延賢人

乞西湖洗塞塵

厚先生云本欲乞鑑湖就東府對耳唐書賀知章嘗乞周宮湖以為放生池賜

鑑湖一曲

更向青齊覓消息要知從事是何人

援晉桓溫有主簿善別酒

以好者為青州
從事謂到臍也

次韻李端叔送保倅翟安常赴闕兼寄子由

中山保塞兩窮邊卧治雍容已百年

次公中山定州也保塞保州也

顧

我迂愚分竹使與君談笑用蒲鞭

厚後漢劉寬典歷三郡吏民有過但用蒲

鞭罰之示辱而已

松荒三徑思元亮

援陶淵明歸去來云三徑就荒松菊猶存

草合

平池憶惠連

續南史謝靈運每有篇章對族弟惠連輒得佳句嘗於永嘉西堂思詩竟日不就忽

夢見惠連即得池塘生春草之句大以為工

白髮歸心憑說與古來誰似兩

疎賢

厚前漢陳廣為太傅凡子受為少傅一旦致仕而歸人皆歎息曰賢哉二大夫也

次韻王雄州送侍其涇州

威聲又數中興年

續杜甫喜遭行在所詩今朝漢社稷新數中興年

二虜行當

一天聯

次公周易射雄一天亡

聞道名城得真將

厚皮日休七愛詩序定大亂者

必有真將以李太尉為真將

故應驚羽落空弦

詳見前

追鋒歸去雄三

衛厚傳車曰追鋒車遽則乘之昔魏帝召司馬仲達乘追鋒車四百餘里一宿而至次公三衛在唐制有司

戈司階執干執戣謂之四色官而在前本朝神宗時官制有左右金吾衛有左右衛有諸衛是三也於左右金

吾衛則有上將軍於左右衛亦有上將軍於諸衛則有大將軍上將軍右將軍比之謂衛官也授鉞重

來定十連

次公禮記十國為連連有帥

別酒回頭便陳迹

續王羲之蘭亭詩序

云俯仰之間
號呶端合發初筵
詩賓之初筵篇有曰載號載呶

已為陳迹

追餞正輔表兄至博羅賦詩為別

孤臣南游墮黃菅君亦何事來收蠻獫舟蠻戶龍岡窟

次公惠州有蠻戶而龍岡則惠州江之處所也

置酒椰葉枕柳間高談已笑衰

語陋傑句尤覺清詩孱博羅小縣僧舍古我不忍去君
忘還君應回望秦與楚夢涉漢水愁秦關我亦坐念高

安客

次公高安客指言筠州也筠州治高安縣時子由分司南京筠州居住也

神游黃蘗參

桐山

厚傳燈錄洪州黃蘗寺遷禪師筠州桐山良介禪師高安昔日屬洪州故云爾

何時曠蕩

洗瑕謫

次公曠蕩言赦恩也
史有云曠蕩之澤

與君歸駕相追攀梨花寒

食隔江路兩山遙對雙煙鬟歸耕不用一錢物惟要兩

脚飛屨顏玉牀丹鏃記分我

厚本草圖經丹砂辰州者
最勝生深山石崖間土人

採之穴地數十丈始見苗乃白石耳謂之朱砂辰砂
生石上若箭鐵紫點鐵而光明瑩徹者真辰砂也

助

我金鼎光爛斑

子蒼大丹秘契圖金鼎篇云金
鼎者上應天下應地中應人民

再用前韻

樂天雙鬢如霜管始知謝遣素與蠻我兄綠髮蔚如故

已了夢幻齊人閒蛾眉勸酒聊爾耳

援晉書阮咸嘗曰
未能免俗聊復爾

耳處仲太忍茂弘孺

續晉書王敦字處仲王導字茂弘敦與導嘗造王愷愷使美人行酒

以客飲不盡輒殺之酒至導敦所敦故不肯持美人悲懼失色而敦嚴然不視導素不能飲恐行酒者得罪遂勉強盡觴導還歎曰處仲若當世心懷剛忍非令終也三杯徑醉便歸卧海上知

復幾往還連娟六么赴蹋鞠

次公蹋鞠字出衛青傳今之蹴鞠也於六么言之則

舞有蹴鞠六么也邦衡琵琶錄唐崑崙彈新翻羽調綠絳注云綠絳即綠要是也本自樂工進曲上令錄出要者乃以為名香眇三疊紫陽關

厚先生詩話云世傳陽關三疊然今世歌者每

句再疊而已若只通一首言之及是四疊皆非是或每句三唱以應四疊之說則蕪然無復節奏予在密州有吏勸長官者以事至密自云得古本陽關其聲宛轉淒斷不類向之所聞每再唱而第一句不疊乃知舊本三

疊蓋
如此酒醒夢斷何所有落花流水空青山忽驚鏡鼓發

半夜明月不許幽人攀贈行無物惟一語莫遣瘴霧侵
雲鬟羅浮道人一傾蓋欲繫白日留君顏應知我是香

索吏他年許綴蓬萊班

次公元稹詩我是玉皇香
索吏謫居猶得近蓬萊

送鮮于都曹歸蜀灌口舊居

彥章成都今古記云
秦昭王以李冰代弱

守鑿離堆辟沫水之害穿二江成都中於是沃
野千里號為陸海民思其惠立廟在灌口山

籀盡霜鬚照碧銅

次公籀讀如
鑄碧銅鏡也

依然春雪在長松

次公言白

髮也朝行犀浦催收芋

次公犀浦在郫縣子輦青城山記
云李冰琢五石犀以厭水一在青

城二在犀浦一在成都市橋

夜渡繩橋看伏龍

次公繩橋在灌

口引繩架之故云繩橋昔李太守之子禁龍於此今山上有伏龍觀焉養源白樂天蠻子朝云泛皮船兮渡繩

莫歎倦游無駟馬要將老健敵千鍾子雲三世惟身

在

援楊子雲歷成哀平三世不徙官

為向西南說病容

送邵道士彥肅還都嶠

十朋洞天福地記三十六洞天記第二十都嶠山

洞周回一百八十里名寶玄之天在容州

乞得紛紛擾擾身結茆都嶠與仙鄰少而寡欲顏常好

老不求名語益真許邁有妻還學道

續晉許邁字遠遊初學道時其妻尚

在父母既終乃遣妻孫氏還家遂攜其同志徧遊名山焉陶潛無酒亦從人援陶潛傳羊松齡龐遵等或有酒要之共至酒座雖不識主人亦欣然無忤酣醉便返相隨十日還歸去

萬劫清游結此因

送仲素寺丞致政歸潛山

潛山隱居七十四紺瞳綠髮初謝事腹中靈液變丹砂
江上幽居連福地彭城為我駐三日明月滿船同一醉
丹青細字口傳訣顧我沈迷真棄耳來年四十髮蒼蒼
始欲求方救憔悴他年若訪潛山居慎勿逃人改名字

送蘇伯固效韋蘇州

三度別君來此別，真遲暮白盡老髭鬚。
明日淮南去，酒罷月隨人淚濕。
花如霧後夜，逐君還夢繞江南路。

送柳宜歸

折脚鐺中煨淡粥，曲枝桑下飲離杯。
書生不是南遷客，魑魅驚人須早迴。

送都監北歸

一聲鴻鴈破江雲，萬里梧桐卷露銀。
我自飄零是羈客，

更堪秋晚送行人

送柳子玉赴靈山

世事方艱便猛回此心未老已先灰何時夢入真君殿
也學傳呼觀主來

跋姜公弼課冊姜君瓊人已卯閏九月來從學於
東坡至僮耳庚辰三月方還瓊

四言

雲興天際欸若車蓋凝目未瞬瀰漫霽霽驚雷出火喬
木靡碎殷地熱空萬夫皆廢懸溜綆墜日中見沫移晷

而収野無完塊

和董傳留別

虎卿董傳字至和洛陽人有詩名於時嘗在鳳翔與東坡相從韓魏公鎮

長安傳有詩云古來風義遠才少近世公卿薦士稀韓舉而已卒矣

麤繒大布裹生涯腹有詩書氣自華厭伴老儒烹瓠葉

續後漢劉昆教授弟子嘗五百餘人每春秋享射常備列典儀以素米瓠葉為俎豆次公小雅瓠葉詩曰幡幡瓠葉采之烹之鄭氏注云酒既成先與父兄室人烹瓠葉而飲強隨舉子踏槐花援南

書載長安舉士六月後落第者不出京謂之過夏借淨坊廟院作文章曰夏課時語曰槐花黃舉子忙囊

空不辨尋春馬

厚孟郊詩春風得意馬蹄疾一日看盡長安花眼亂行看擇婿

車援唐進士開宴常寄曲江亭其日公卿家傾城得意

猶堪誇世俗詔黃新濕字如鴉續盧全示添丁詩閒來

如老

和沈立之留別二首

而今父老千行淚一似當時初去時不用鐫碑頌遺愛

大人清德畏人知

卧聞鐃鼓送歸艎夢裏忽忽共一觴試問別來愁幾許

春江萬斛若為量

去時予
在試院

次韻代留別

絳蠟燒殘玉掌飛，離歌唱徹萬行啼。他年一舸鷗夷去，

應記儂家舊姓西。

次公按：案字記載西施，施其姓也。所居多施，故有東施、家西施、家黃魯直。

詩云：世有捧心學，取笑如東施。今云舊姓西，豈偶不契，勘耶。然不害其詩句之妙。

留別金山寶覺圓通二長老

沐罷巾冠快晚涼，睡餘齒頰帶茶香。艤舟北岸何時渡，

睇髮東軒未肯忙。

厚楚詞：與女沐兮咸池。睇，汝髮兮陽之阿。

康濟此身殊有

道，醫治外物本無方。風流二老長還往，顧我歸期尚渺

茫

子由自南都來陳三日而別

天子自逐客

續史記李斯傳秦宗室大臣請一切逐客斯乃上書云云

尚能哀楚囚

奔馳二百里徑來寬我憂相逢知有得道眼清不流別

來未一年落盡驕氣浮

子仁史記老子謂孔子曰去子之驕氣與多欲態色與淫志

嗟我晚聞道款啓如孫休

厚孫休人名莊子子扁慶子曰今休款啓寡聞之民也

至言雖久服放心不自收

次公莊子至言去言

悟彼善知識妙藥

應所投

師維摩經言世尊現身為大醫王善療衆病應病與藥

納之憂患場磨以

百日愁冥頑雖難化鑄發亦已周平時種種心次第去
莫留但餘無所還永與夫子游此別何足道大江東西
州畏蛇不下榻厚退之八月十五夜贈張功曹詩下
牀畏蛇食畏蠱海氣濕熱熏腥臊睡
足吾無求援杜牧齊安郡詩平生睡足處雲夢澤
南州竟祖今齊安郡治有睡足齋存焉便為
齊安民何必歸故丘

過新息留示鄉人任師中

任時知蘆州
亦坐事對獄

昔年嘗羨任夫子卜居新息臨淮水

厚新息蔡
州縣也

怪君便

爾忘故鄉稻熟魚肥信清美竹陂鴈起天為黑

小竹陂
在縣北

桐柏煙橫山半紫

桐柏廟在縣南

知君坐受兒女困

厚後漢王式讓諸生

曰我本不欲來諸生強勸我竟為豎子所辱遂謝免歸

悔不先歸弄清泚塵埃我

亦失收身此行蹭蹬尤堪鄙寄食方將依白足

次公白足言僧

也劉禹錫云白足赤髭之侶

附書未免煩黃耳往雖不及來有年詔

書儻許歸田里

任劉禹錫詩皇恩若許歸田去晚歲當為鄰舍翁

却下關山入

蔡州

次公關山則自蔡州所經由來黃州路先

為買烏

犍三百尾

蔡州出水牛

別子由三首兼別遲

知君念我欲別難我今此別非他日風裏楊花雖未定
雨中荷葉終不濕三年磨我費百書一見何止得雙壁

願君亦莫歎留滯

厚西漢司馬遷傳是歲天子始建漢家之封而太史留滯周南不得與從

事六十小劫風雨疾

次公蓮華經有言六十小劫又有言八十小劫

先君昔愛洛陽居

子仁按子由卜居賦序云昔余先君以布衣宦學四方嘗過洛陽愛其山

川慨然有卜居意而貧不能遂

我今亦過嵩山麓水南卜宅吾豈敢

溫續

造隱居洛水之南烏重肩辟河陽幕韓愈語曰水南山人又繼往車馬僕從塞間里試向伊川買

脩竹又聞緱氏好泉眼

次公老杜有太平寺泉眼詩緱氏山泉河南志緱氏山有佛光寺

又有
甘泉
傍市穿井瀉冰玉遙想
菲軒照水開
兩翁相對清
如鵠

兩翁歸隱非難事惟有傳家好兒子憶昔汝翁如汝長
筆頭一落三千字世人聞此皆大笑慎勿生兒兩翁似
不知樗櫟薦明堂何似鹽車壓千里

初別子由至奉新作

雙鵲先我來

次公西京雜記陸賈云乾鵲噪而行人至

飛上東軒背

次公東軒蓋子

由在筠州官居所建

書隨好夢到人與佳節會

次公佳節指言一

一

懽難把玩

師柳子厚書悠悠人世越不過為三十年客耳前過三十七年與瞬息無異後所得者其

不足把玩亦已審矣

回首了無在却渡來時溪斷橋號淺瀨茫茫

暑天濶鵲鵲孤城背青山眊眊中

援唐進士失意相與聚飲謂之打眊眊

落日淒涼外盛衰豈吾意離合非所礙何以解我憂粗

了一事大

次公禪家語謂了死生也

東府雨中別子由

庭下梧桐樹三年三見汝前年適汝陰見汝鳴秋雨去

年秋雨時我自廣陵歸今年中山去

次公汝陰言潁州廣陵言揚州而今

中山則言定州也。饒按年譜先生以元祐六年知潁州七年知揚州八年守定州。

白首歸無期

客去莫歎息主人亦是客對牀定悠悠夜雨空蕭瑟

次公

韋蘇州與元常全真二生詩那知風雨夜復此對牀眠先生與子由往常讀韋詩至此句惻然感之遂相約早退為閒居之樂自後詩中屢及之起折梧桐枝贈汝千里行重來知健

否莫忘此時情

留別廉守

編萑以苴豬

次公編萑綴茅也左傳或取一編萑焉苴塞也傳云不以苴履也

瑾塗以

塗之

子仁禮記內則篇炮取豚若將剗之剗之實聚於其腹中編萑以苴之塗之以謹塗炮之注云謹當

為瑾聲小餅如嚼月

次公言行錄丁晉公與楊大年拋之大年云有酒如線遇錢則見晉

公云有餅如月遇食則缺

中有酥與飴懸知合浦人常誦東坡詩好

在真一酒為我醉宗資

續復漢宗資為汝南太守而委郡事於范滂郡人謠曰汝南太

守范孟博南陽宗資主畫諾

王子立去歲送子由北歸往返百舍今又相逢贛

上戲用舊韻作詩留別

米盡無人典破裘送行萬里一鄒游

次公顏魯公與蔡明遠帖云聞鄒游

與明遠同來欲至米石計其不久亦合及吾於淮泗之間脫若未到見之宜傳此意

解舟又欲攜

君去

厚晉書賀循赴命入洛經吳閭門於舟中彈琴張翰初不相識乃就言便相歎悅問循知其入洛翰

曰吾亦有事北京便同載而去初不告家人

歸舍聊須與婦謀

續楚王欲相優孟曰請歸

與婦計之

聞道年來丹伏火不愁老去雪蒙頭剝買山田添

鶴口

次公以王子立庄鶴田山故也往時先生此詩先傳于世自注云爾子仁魏野閑居即事詩成家書

滿室添口鶴生孫

廟堂新拜富民侯

援漢武帝末年拜田千秋為丞相封富民侯

東坡詩集註卷十六

欽定四庫全書

東坡詩集註卷十七

宋 王十朋 註

燕集

與趙陳同過歐陽叔弼所治小齋戲作

江湖渺故國

厚江湖
渺霽天

風雨傾舊廬東來三十年愧此一

束書

續退之小兒詩始我來京師止攜
一束書辛勤三十年以有此屋廬

尺椽亦何有

次公

顏延年詩臺
館無尺椽

而我常客居羨君開此室容膝真

有餘陶

潛歸去來云審容膝之易安

拊牀琴動搖弄筆牕明虛後夜龍作雨

天明雪填渠

時方禱雨龍祠作此句時星斗粲然四更風大至至明日乃雪夢回聞剝

啄

厚退之剝啄行剝啄有客至門誰呼陳趙子

堯卿先生詩話云元祐六年十月二十六

日禱雨張龍公會景既履常二歐陽子作詩云後夜龍作雨天明雪填渠夢回聞剝啄誰呼陳趙子景既拊掌

曰句法甚新前人未有此法季默曰有之長官請客吏請客目曰主簿少府我即此語也漆丁走沽

酒

續盧仝之子曰添丁仝詩集中有示添丁詩

通德起挽蔬

厚通德伶玄之妻樊通德也能

言趙飛燕姊妹事玄為作飛燕外傳也

主孟當啗我

次公國語晉優施謂里克妻曰主孟啗我

我教滋暇豫事注大夫之妻從夫稱主而孟則里克妻字也

玉鱗金尾魚

人表杜詩泉出巨魚

長比人丹砂
作尾黃金鱗

一醉忘其家

器先史記司馬禠莛曰將受命之日則忘其家挾挹鼓之

急則忘其身

此身自遽

次公遽遽有二義有口柔謂之遽

蔭則簾竹席之謂言身之卷舒如簾席之耐也

姪安節遠來夜坐三首

南來不覺歲崢嶸

厚鮫明遠舞鶴賦歲崢嶸而催莫

坐撥寒灰聽雨聲

遮眼文書元不讀
伴人燈火亦多情
嗟予潦到無歸日

令汝蹉跎已半生
免使韓公悲世事
白頭還對短長檠

續退之短檠檠歌云長檠八尺空自長短檠二尺便且光黃簾綠幕朱戶閉風露氣入秋堂涼裁衣寄遠淚眼

暗撫頭頻挑移近牀太學儒生東魯客二十辭家來射
策夜書細字綴語言兩目眩昏頭雪白此時提筆當案
前看書到曉那能眠一朝富貴還自恣長檠高
張照朱翠吁嗟世事無不然牆角君看短檠檠

心衰面改瘦嶢嶢相見惟應識舊聲

厚後漢夏馥傳馥以聲名為中官所

忌遂被誣陷詔下州郡捕為黨魁馥乃自剪須變形為
治家傭親突烟炭形貌毀瘁弟靜於洛陽市中遇馥不
識聞其言聲乃覺而拜之永夜思家在何處殘年知汝遠來情畏人

默坐成癡鈍

馮顏氏家訓曰梁世有一侯嘗對元帝飲
諸自陳癡鈍乃成聰段元帝答曰聰異涼

風段非
上木

問舊驚呼半死生

厚杜詩訪舊半為
鬼驚呼熱中腸

夢斷酒醒

山雨絕笑看饑鼠上燈檠

落第汝為中酒味

續唐人下第詩
氣味如中酒

吟詩我作忍饑聲

仁子

杜詩忍饑
浮雲歎

便思絕粒真無策苦說歸田似不情腰下牛

閒方解佩

任龔遂為渤海太守令民賣劍買
牛賣刀買犢曰何為帶牛佩犢

洲中奴長

足為生

續三國志李衡於武陵龍陽汎洲上作宅種柑
千株臨死謂其子曰吾州里有千頭木奴歲可

得絹千疋
足用矣

大詔一弛何緣殺

次公退之詩大
詔挂壁無由彎

已覺翻翻

不受繫

倬揚子曰見弓之張兮弛而不失其良兮
何謂也曰繫之而已矣注繫正弓之器

錢安道席上令歌者道服

烏府先生鐵作肝

續漢御史府中列栢樹常有野鳥數
千棲宿其上晨出暮來號為朝夕鳥

次公錢安道錢頗也為御史謫官

霜風卷地不知寒猶嫌白髮年前少

故點紅燈雪裏看他日卜鄰先有約待君投綬我休官

如今且作華陽服

厚句曲山三十六洞天第八洞也名曰華陽洞以三茅所居故曰茅山

醉唱儂家七返丹

續古歌云七還七返三五一龍虎相交入魂室灰地焰焰天地精金液還

丹功了畢厚呂仙翁詞云七返還丹在人先須煉餌子散進書大還秘契圖曰從寅至申為七返却至坤為九還

與述古自有美堂乘月夜歸

俾陳襄字述古福州侯官人

娟娟雲月稍侵軒潏潏星河半隱山魚鑰未收清夜永

續鑰必以魚者取其
不瞑目守夜之義

鳳簫猶在翠微間

任蕭史善吹簫
秦穆公以女弄

玉妻焉遂教弄玉吹簫作鳳鳴有鳳來止其屋公
為作鳳臺一旦弄玉乘鳳蕭史乘龍昇天而去

淒風

瑟縮絃柱

次公絃柱則琵琶
琴之屬也

香霧淒迷著鬢鬟

師杜詩
香霧雲

濕

共喜使君能鼓樂萬人爭看火城還

厚李肇國史補
正旦曉漏已前

三司使大金吾皆以
樺燭擁馬謂之火城

十月十五觀月黃樓席上次韻

中秋天氣未應殊不用紅紗照坐隅山下白雲橫匹素
水中明月卧浮圖未成短棹還三峽已約輕舟泛五湖

續范蠡去越泛扁舟游五湖熊吳郡圖經續記其一曰貢湖二曰游湖三曰胥湖四曰梁湖五曰金鼎湖為問登臨好風景明年還憶使君無

雪後至臨平與柳子玉同至僧舍見陳尉烈

芮校圖經

臨平鎮端拱元年置隸仁和縣

落帆古戍下積雪高如丘強邀詩老出踈髯散颼颼僧

房有宿火手足漸和柔靜士素寡言

吳王獻之字子敬嘗與兄徽之操之

俱詣謝安二兄多言俗事獻之寒溫而已既而客問安王氏兄弟優劣安曰少者在客問其故安曰吉人之辭寡以其少相對自忘憂銅爐擢烟穠石鼎浮霜漚我行言故知之

雖有程坐穩且復留大哉天地間此生得浮遊

興龍節侍宴前一日微雪與子由同訪王定國小
飲清虛堂定國出數詩皆佳而五言尤奇子由又
言昔與孫巨源同過定國感余存歿悲數久之夜
歸稍醒各賦一篇明日朝中以示定國也

天風淅淅飛玉沙詔恩歸沐休早衙

歸沐漢制也

遙知清虛

堂裏雪正似蒼筤林中花

次公蒼筤梔子花也與雪皆
六出佛書云如人入蒼筤林

中惟聞蒼筤
香不聞他香

出門自笑無所詣呼酒持勸惟君家

韓退之醉

贈張秘書今日到
君家呼酒持勸君
踏水凌兢戰疲馬

子仁揚雄甘泉賦
馳閭闔而入凌兢

又杜詩安得
赤脚踏層冰

扣門剝啄驚寒鴉

援韓詩剝啄
啄有客至門

羨君五

字入詩律欲與六出爭天葩

厚退之詩天
葩吐奇芬

頭風已倩檄

手愈背癢恰得仙爪爬

續魏太祖苦頭風
檄太祖卧讀翕然起曰此愈我

病任神仙傳王方平
邀麻姑降蔡經家麻姑手

烏爪經念曰背大癢時得此掌爬背大快也

銀餅瀉

油浮蟻酒紫盆鋪栗盤龍茶幅巾起作鵲鴒舞疊鼓誰

撻漁陽搗

厚晉謝尚書善音樂博綜衆藝王導謂曰聞
君善作鵲鴒舞一座傾想寧有此理不尚曰

佳便着衣幘而舞導令坐者撫掌擊節尚俯仰其中旁
若無人又曹操聞禰衡善擊鼓乃召為鼓吏因大會賓

客閱試音節諸吏過者皆令脫其故衣更著岑牟單絞之服次至衡衡方為漁陽三搥蹀躞而前九衢

燈火雜夢寐十年聚散空咨嗟明朝握手殿門外共看

銀闕瞰朝霞

聚星堂雪

并序

元祐六年十一月一日禱雨張龍公得小雪與客會

飲聚星堂忽憶歐陽文忠公作守時雪中約客賦詩

禁體物語於艱難中特出奇麗爾來四十餘年莫有繼者僕以老門生繼公後雖不足追配先生而賓客

之美殆不減當時公之二子又適在郡故輒舉前令

各賦一篇

次公廬陵集載雪詩注云時在潁州作其序曰玉月梨梅練絮白舞鵝鶴等事皆請

用物

窻前暗響鳴枯葉龍公試手初行雪映空先集疑有無

子仁詩云如彼雨雪先集維霰

作態斜飛正愁絕衆賓起舞風竹亂老

守先醉霜松折

厚退之詩張君名聲坐所屬起舞先醉長松摧

恨無翠袖點橫

斜祗有微燈照明滅歸來尚喜更鼓永晨起不待鈴索

掣

次公鈴索掣太守有鈴閣也李白猛虎行掣鈴交通二千石

未嫌長夜作衣稜却

怕初陽生眼纈

厚李賀詩楊花撲帳春雲熱龜甲屏風醉眼纈

欲浮大白追餘

賞

續魏文侯飲大夫酒使公乘不仁為觴政曰飲不盡者浮以大白

幸有回飈驚落屑

糝糊檜頂獨多時歷亂瓦溝裁一瞥汝南先賢有故事

次公三國志多引汝南先賢傳今類州汝南之地也故用汝南先賢字

醉翁詩話誰續說

次公廬陵集中有詩話上下一卷

當時號令君聽取白戰不許持寸鐵

乘舟過賈收水閣收不在見其子三首

愛酒陶元亮

厚元亮淵明別字也性嗜酒親舊知其如此或置酒招之造飲必盡期在必醉其至

酒醉雖不識主人亦欣然無忤嘗作飲酒詩二十首

能詩張志和

續張志和自稱烟波釣徒往來

苦雪問亦名玄真子嘗有詞云西塞山邊白鷺飛桃
花流水鱖魚肥青若笠綠蓑衣斜風細雨不須歸
青

山來水檻白雨滿魚蓑淚垢添丁面

次公添丁以言賈
之子盧仝兒名添

丁詩云莫怪添丁
郎淚下作面垢

貧低舉桺蛾

顧後漢梁鴻妻
孟光舉桺齊眉

不知何

所樂竟夕獨酣歌

嫋嫋風蒲亂猗猗水荇長

子仁杜詩水荇牽風翠帶
長伴選詩風蒲亂曲渚

小

舟浮鴨綠

厚李白詩春水初生鴨頭
綠又云遙看漢水鴨頭綠

大杓瀉鵝黃

續杜
詩鵝

兒黃似酒對
酒愛新鵝

得意詩酒社終身魚稻鄉樂哉無一事何

處不清涼

曳杖青苔岸繫船枯柳根德公方上冢

厚後漢龐公傳注云司馬德操

嘗造德公值其渡汚上祀先人墓

季路獨留言

趙以言見收之子語子路從而後遇丈人以杖

荷蓀止子路宿殺雞為黍而食之見其二子馬

已占蒲魚港更開松菊園從茲

來往數兒女自鷹門

續杜詩曉藥能無婦鷹門幸有兒次公晉書李密傳鷹門無三尺之

童

城南縣尉水亭得長字

兩尉鬱相望東南百步場

次公百步場蓋言尉司教閱處也

挿旗蒲柳

市伐鼓水雲鄉

次公挿旗伐鼓以言尉之事蒲柳市水雲鄉則言湖州也

已作觀魚

檻仍開射鴨堂

續孟郊為溧陽尉開射鴨堂次公左傳公觀魚于棠

全家依畫舫

極目亂紅粧
漱漱波頭細
踈踈雨脚長
我來閒濯足
溪

漲欲浮牀
澤國山圍裏

元劉賓客詩云山圍故國周遭在

孤城水影傍

欲知歸路處
葦外記風檣

商老杜牧之李長吉集序云風檣陣馬不足為其勇也

十二月十四日夜微雪明日早往南溪小酌至晚

南溪得雪真無價
走馬來看及未消
獨自披榛尋履迹

次公晉趙景真與嵇茂齊書曰涉澤求蹊披榛覓路履迹蓋用東郭先生雪中履迹也

最先犯曉

過朱橋
誰憐破屋眠無處

杜甫有茅屋為秋風所破歌

坐覺村饑語

不囂

師杜牧之詩澤潤鳥東遷村饑人語早

惟有暮鴉知客意驚飛千片

落寒條

陪歐陽公宴西湖

堯卿穎州西湖

謂公方壯鬚似雪謂公已老光浮頰竭來湖上飲美酒

醉後劇談猶激烈

次公世說載支道林行人問曰何處來荅曰今日與謝傅劇談一出來

湖邊草木新著霜芙蓉晚菊爭煌煌插花起舞為公壽

公言百歲如風狂

續退之詩男兒不再壯百歲如風狂

赤松共遊也不惡

續張良願棄人間事從赤松子遊赤松子為神農雨師服水玉散而得仙見漢書

誰能忍饑啗

仙藥

虎卿陸龜蒙曰我幾年來忍饑誦經豈不知屠沽兒有酒食耶乃食杞菊願神養壽見食杞菊序

已將壽夭付天公彼徒辛苦吾差樂

子仁前漢陳遵謂張竦曰足下誦諷

經書苦身自約不敢蹉跎而我放意自恣浮沉俗間官爵功名不減於子而差獨樂故不優耶城上烏

棲暮靄生銀缸畫燭照湖明不辭歌詩勸公飲坐無桓

伊能撫箏

續謝安功名盛極嫌隙遂成晉武召桓伊飲安侍坐伊撫箏而歌怨詩曰為君既不易為

臣良獨難忠信事不顯乃有見疑患周旦佐文武金縢功不刊推心輔王政二叔反流言聲節慷慨俯仰可觀安泣下沾襟乃越席而就之將其鬚曰使君於此不凡帝有愧色

有以官法酒見餉者因用前韻求述古為移厨飲

湖上

喜逢門外白衣人

厚陶潛性嗜酒家貧不能常得九月九日無酒出宅邊叢菊中坐久之望

見白衣人至乃江州刺史王弘送酒即便酌飲而歸出續晉陽秋

欲膾湖中赤玉鱗遊

舫已粧吳榜穩

次公張載傳吳榜越船不能無水而浮

舞衫初試越羅新

次公李賀詩越羅衫袂迎春風

欲將漁釣追黃帽

顏前漢鄒通以擢船為黃頭郎師古曰土

勝水其色黃故刺船之郎皆著黃帽因號曰黃頭郎

未要靴刀抹絳巾

厚唐制以戎服見者

左握刀右屬弓矢怕首袴靴抹絳巾者言紅抹額乃怕首之謂也

芳意十分強半在為

君先踏水邊春

飲湖上初晴後雨二首

水光瀲灩晴方好山色空濛雨亦奇

次公選詩空濛如薄霧

欲把

西湖比西子淡粧濃抹總相宜

朝曦迎客宴重岡晚雨留人入醉鄉

援唐王績作醉鄉記

此意自

佳君不會一杯當屬水仙王

湖上有水仙王廟

與臨安令宗人同年劇飲

我雖不解飲把盞歡意足試呼白髮感秋人

續白樂天有初見白

髮感秋詩令唱黃雞催曉曲

厚白樂天詩誰道使君不解歌聽唱黃雞與白日黃雞催曉丑

時鳴白日催
年齒前沒

與君登科如隔晨

次公退之送惠師詩壯志死不息千年如隔晨

敝袍霜雪空殘綠如今莫問老與少兒子森森如立竹
黃雞催曉不須愁老盡世人非我獨

初自徑山歸述古召飲介亭以病不赴

西風初作十分涼喜見新橙透甲香
返暮賞心驚節物

登臨病眼怯秋光慣眠處士雲庵裏

堯卿唐方干處士嘗居雲庵有雲庵

集行于世唐末五代人也

倦醉佳人錦瑟傍

顯杜詩何時詔此金錢會暫醉佳人錦瑟傍

猶有夢回清興在卧聞歸路樂聲長

明日重九亦以病不赴迷古會再用前韻

月入秋帷病枕涼霜飛夜簾故衾香可憐吹帽狂司馬

次公孟嘉為桓溫參軍重九日會龍山風吹帽落地狂
司馬謝奕也為桓溫司馬猶推布衣之舊在溫坐上岸

幘嘯詠無異常日溫謂為方
外司馬南康王呼為狂司馬空對親春老孟光援孟光

也梁鴻至吳依大家皋伯通居廡下為人負春
每歸其妻為具食不敢於鴻前仰視舉案齊眉不作雍

容傾座上
續司馬相如客臨邛令王吉臨邛富人卓王
孫之屬以今有貴客為與召之并召令長卿

謝病不能臨令身自迎已而強往相
如車騎雍容閑雅甚都一座盡傾翻成骯髒倚門傍

厚後漢趙壹刺世疾邪作詩
曰伊優北堂上骯髒倚門邊人間此會論今古細看菜

莫感歎長

援杜詩明年此會知誰健醉把茱萸仔細看

次韻述古過周長官夜飲

二更鏡鼓動諸鄰百首新詩間八珍

厚周禮膳夫珍用八物食醬掌八珍

之齊鮑明遠詩八珍盈彫俎

已遣亂蛙成兩部

續南史孔珪門庭之內草萊不剪中有蛙

鳴或問之曰欲為陳蕃乎珪笑荅曰我以此當兩部鼓吹何必效蕃王宴嘗鳴鼓吹候之聞蛙鳴曰殊聒人耳

珪曰我聽鼓吹殆不及此晏有慙色

更邀明月作三人

援李白詩舉杯邀明月對影成三人

雲烟湖寺家家境燈火沙河夜夜春曷不勸公勤秉燭

續古詩晝短苦夜長何不秉燭遊

老來光景似奔輪

述古以詩見責屢不赴會復次前韻

我生孤癖本無鄰老病年來益自珍肯對紅裙辭白酒

但愁新進笑陳人

厚莊子老而無能曰陳人

北山怨鶴休驚夜

續北山移

文云蕙帳空
今夜鶴怨

南畝巾車欲及春

援淵明歸去來云農人告予以春及將有事乎

西疇或命中
車或棹孤舟

多謝清詩屢推轂

子仁前漢鄭當時傳每朝侯上問說未嘗不言

天下長者其推轂士及官
屬丞史誠有味其言也

稀膏那解轉方輪

東詩有雲
霄蒲輪之

句縑淳于髡曰稀膏棘軸所
以為滑也而不能運方輪

和蘇州太守王規父侍太夫人觀燈之什余時以

劉道原見訪滯留京口不及赴此會二首

不覺朱轡輟後塵爭看繡幃錦纏輪洛濱侍從三人貴

厚晉汝南王亮傳伏太妃嘗有小疾祓於洛水亮兄弟三人侍從並持節鼓吹震耀洛濱武帝登凌雲臺望見曰伏姊可謂富貴矣京兆平反一笑春續萬不疑為京兆尹每行縣錄囚還其母問不疑多

有所平反母喜笑為飲食言但逐東山攜妓女厚謝安語或無所出母怒為不食遊東山

必以妓女從那知後閣走窮賓援陳遵每大飲輒關門客雖有急終不得去嘗有郡刺史

奏事過遵值其方飲刺史大窮候遵宿醉時突入見遵母叩首白富對尚書有期會狀母乃令從後閣出去

滯留不見榮華事師太史公空作賡詩第七人

翻翻緹騎走香塵

次公緹騎漢制執金吾所管兵緹赤也衣赤衣者也

激激飛濤

射火輪美酒留連三夜月豐年傾倒五州春

時浙西皆以不熟罷

燈惟蘇

獨盛 安排詩律追疆對

子仁疆對字出晉書

蹭蹬歸期為惡賓

次公西京雜記公孫弘起家於齊為丞相故人高賀從之弘食之脫粟飯覆以布被賀怒曰何用故人富貴為脫粟布被我自有之弘大慙賀告人曰公孫內服貂蟬外衣麻桌內厨五鼎外膳一肴云何以示天下於是朝廷疑其矯偽弘聞之嘆曰寧逢惡賓不逢故人

墮珥遺簪想無限

續明皇幸溫東楊妃諸姊

妹皆貴從幸為五家隊遺鈿墮珥藉藉道傍厚史記滑稽傳淳于髡言州閭之會前有墮珥後有遺簪

華

胥猶見夢回人

續列子黃帝居大庭之館齊心服形三日不親政事晝寢而夢遊華胥氏之國

金山寺與柳子玉飲大醉卧寶覺禪榻夜分方醒

書其壁

惡酒如惡人相攻劇刀箭頽然一榻上勝之以不戰詩

翁氣雄拔禪老語清軟

子仁杜詩夜間接軟語

我醉都不知但覺

紅綠眩

堯卿李太白詩看朱成碧顏始配

醒時江月墮撼撼風響變惟

有一龕燈二豪俱不見

續劉伶酒德頌二豪侍側焉若螺贏之與螟蛉

蘇州閭丘江君二家雨中飲酒二首

堯卿閭丘孝忠字公顯

小圃陰陰徧灑塵方塘潏潏欲生紋已煩仙袂來行雨

續宋玉高唐賦朝為行雲暮為行雨子仁咸通末淮南
李公遊江舟子刺船誤為竹篙濺水濕近侍衣李公為
之變色裴慶餘時佐幕在坐遽獻一絕云半額鵝黃金
縷衣翠翹浮動玉釵垂從教水濺羅襦濕疑是巫山行
雨
莫遣歌聲便駐雲厚列子薛談學謳於秦青未窮青
之技遂辭歸青弗止餞於郊撫節
悲歌聲振林木響過行
雲談乃反不敢言歸
肯對綺羅辭白酒次公李白詩
白酒初熟山

中試將文字惱紅裙

續退之詩不解文
字飲惟能醉紅裙

今宵記取醒時

節點滴空堦獨自聞

任何遜詩夜雨滴空堦
滴空堦不入滴入愁人耳

五紀歸來鬢未霜十眉環列坐生光

續唐明皇幸蜀令
畫工作十眉圖

喚船渡口迎秋女

續杜牧杜秋娘詩却喚
吳江渡舟人那得知

駐馬橋邊問

泰娘

厚劉禹錫泰娘詩有時裝成好天氣走上鞦韆折花戲風流太守韋尚書路傍忽見停鞦韆 曾

把四絃娛白傅

厚白居易謫江州送客潯陽湓江聞倡女夜彈琵琶引曰曲終收撥當心畫四

絃一聲如裂帛

敢將百草鬪吳王

續吳王與西施作鬪百草之戲

從今却笑風

流守畫戟空凝宴寢香

厚韋應物詩兵衛森畫戟宴寢凝清香

聞喬太博換左藏知欽州以詩招飲

今年果起故將軍

厚西漢李廣嘗夜從一騎出田還至亭霸陵尉醉呵止廣騎曰故李將軍

尉曰今將軍尚不得夜行何故也次公先生鐵溝行幽贈喬太博詩云明年定起故將軍未肯先誅霸陵尉

夢清詩信有神馬草裏尸真細事

續馬援言男兒要當死於邊野以馬草裏

尸還 虎頭食肉更何人

援相者指班超曰生燕頤虎頭兆而食肉此萬里侯之相也

陣雲冷壓黃茆瘴

韓通真子瘴論曰嶺南從仲春訖仲夏行青草瘴季夏訖孟冬行黃茆瘴

羽扇斜揮白葛巾

續諸葛亮與司馬宣王對於渭濱王戎服蒞事使人視亮乘素車葛巾羽

三軍 扇指揮

痛飲從今有幾日西軒月色夜來新

與梁左藏會飲傳國博家

將軍破賊自草檄

續梁荀濟曰大丈夫當於櫓上磨墨作檄次公陳元康上馬破賊下馬草

檄論詩說劍俱第一

次公老杜詩為報欲論詩莊子有說劍篇彭城老守本

虛名識字劣能欺項籍

厚項曰書足以記姓名耳不足學

風流別駕貴

公子欲把笙歌煖鋒鏑紅旆朝開猛士譟翠帷暮捲佳

人出東堂醉卧呼不起啼鳥落花春寂寂

子仁王維詩落花寂寂啼

山烏韋莊詞云滿院落花春寂寂

試教長笛傍耳根一聲吹裂堦前石

續李蕃吹笛天下第一月夜汎舟吹之寥亮逸發俄有客於岸呼船請載既至請笛而吹其聲清壯山石可裂

約公擇飲是日大風

堯卿公擇建昌人

先生生長匡廬山

續匡廬山在江州德化南康軍星子二縣境次公匡廬江陽之名岳本名

三天子鄣周景式廬山記曰匡裕周威王時人

生而神靈廬于此山世稱廬君故山取號焉山中讀

書三十年舊聞飲水師顏淵不知治劇乃所便

厚晉袁甫自言

能作劇縣次公漢書張敞自請治劇郡偷兒夜探赤白丸厚前漢尹賞傳永始元延間長

安中閭里少年羣輩殺吏受賕報仇相與探丸為彈得赤凡者斫武吏得黑丸者斫文吏白者主治喪次公晉

王獻之曰偷兒奮髯忽逢朱子元續朱博字子元遷琅瑯太守齊郡舒緩養

名博新視事掾史皆移病博問其故對言故事二千石新到輒遣吏存問乃敢起視職博奮髯抵几曰齊兒欲

以此為俗耶悉罷斥之半年羣盜誅七百誰信家書藏九千次公先生

作李氏山房記云藏書凡九千餘卷春風無事秋月閒紅粧執樂豪且妍

紫衫玉帶兩部全次公孔稚圭曰兩部鼓吹琵琶一抹四十絃堯卿四絃

一聲如裂帛今云一客來留飲不計錢齊人愛公如子抹四十絃則十面矣

產兒啼卧路呼不還

厚左氏子產古之遺愛次公按史記循吏傳子產治鄭二十六年而

死丁壯號哭老人兒啼曰子產去我死乎民將安歸

我慙山郡空留連牙兵部吏

笑我寒邀公飲酒公無難約束官奴買花鈿薰衣理鬢

夜不眠曉來顛風塵暗天

師杜詩曉來急雨春風顛

我思其由豈坐

慳

續陳亞致仕還鄉一日見太守太守曰君近日作何詩曰唯作一謎四脚直上四脚下經年度歲不曾下

或然下不是風起即雨下曰此即君茶牀試開之則慳值風澀值雨也太守為之大笑

作詩愧謝

君笑謹歸來瑟縮愈不安要當啖公八百里

厚晉王濟傳王愷以

帝舅奢豪有牛名八百里駁嘗瑩其蹄角濟請以錢十萬與牛對射而賭之濟一發破的因據胡牀叱左右速

探牛心來須臾
而至一割便去
豪氣一洗儒生酸

夜飲次韻畢推官

簿書叢裏過春風
酒聖時時且復中
紅燭照庭嘶騷裏

續騷裏神馬也赤喙黑身杜詩駿馬時看金騷裏

黃雞催曉唱玲瓏

次公樂天詩誰道使

君不解歌聽唱黃雞與白日黃雞催曉丑時鳴白日

老

來漸減金釵興醉後空驚玉筍工

畢善篆續秦相李斯作二篆謂之玉筍體

成一月未上時應早散免教壑谷問吾公

續左傳鄭伯有嗜酒為窟

室而夜飲酒擊鐘馬朝至未已朝者曰公馬在其人曰吾公在壑谷

聞李公擇飲傳國博家大醉二首

兒童拍手開黃昏應笑山公醉習園

續晉山簡傳簡為荊州諸習氏荆之

豪族有佳園池簡每出遊嬉多之池上置酒輒醉名之曰高陽池有兒童歌曰山公出何許往至高陽池日夕倒載歸酩酊無所知時時能騎馬倒著白接離舉鞭問葛強何如并州兒次公李白襄陽歌云落日欲沒峴山西倒著接離花下迷襄陽小兒齊拍手攔街爭唱白銅鞮傍人借問笑何事笑殺山翁醉似泥縱使先生能一石主人未肯獨留髧

厚史記淳于髧傳齊威置酒後宮召髧賜之酒問曰

先生能飲幾何而醉對曰臣飲一斗亦醉一石亦醉威王曰先生飲一斗而醉惡能飲一石哉髧曰賜酒大王之前執法在傍御史在後髧恐懼俯伏而飲不過一斗徑醉矣若乃履舄交錯杯盤狼籍堂上燭滅主人留髧

而送客當此時髡
心最歡能飲一石

不肯惺惺騎馬迴玉山知為玉人頰

續嵇康醉倒如紫
玉山之將頰

雲有語君知否莫喚分司御史來

援唐闕記載杜牧既
為御史久之分務洛

陽時李聰罷鎮閒居聲妓豪華為當時第一嘗宴客士
妓百餘人皆殊色牧瞪目注視問李公聞有紫雲者孰
是宜以見惠李俯而笑諸妓亦皆回首破顏牧自飲三
爵朗吟而起曰華堂今日綺筵開誰喚分司御史來忽
發狂言驚滿座兩行紅粉一
時迴意氣閒逸傍若無人

月夜與客飲酒杏花下

安國按先生詩話云僕在
徐州王子立子敏皆館於

子蜀人張師厚來過二王方
年少吹洞簫飲酒杏花下

杏花飛簾散餘春
明月入戶尋幽人
褰衣步月踏花影
炯如流水涵青蘋
花間置酒清香發
爭挽長條落香雪
山城薄酒不堪飲
勸君且吸杯中月
洞簫聲斷月明中
惟憂月落酒杯空
明朝卷地春風惡
但見綠葉栖殘紅

陳州與文郎逸民飲別攜手河堤上作此詩

白酒無聲滑滷油
醉行堤上散吾愁
春風料峭羊角轉

次公淮南子扶搖於抱羊角而上注
扶搖如羊角轉如曲縈行而上也

河水眇緜瓜蔓流

子仁水衡記云二月三月桃花水
五月瓜蔓水謂瓜蔓延故以名

君已思歸夢已峽我

能未到說黃州此生聚散何窮已未忍悲歌學楚囚

續左

傳晉侯觀于軍府見鍾儀問之曰南冠而縶者誰有司對曰楚囚鍾儀也使稅之倬王尊傳云過江人士每暇日相要出新亭飲宴周顗中坐而歎曰風景不殊舉目有山河之異皆相視流涕惟導愀然變色曰當共戮力王室克復神州何至作楚囚相對泣邪衆收淚而謝之

與潘三失解後飲酒

千金弊帚人誰買

續魏文帝曰人喜於自見而文非一體鮮能備善是以所長輕所短里語

曰家有弊帚享之千金斯不自見之患也

半額蛾眉世所妍

厚後漢馬廖傳城中好廣眉四

方且半額城中好高髻四方金匹帛顧我自為都

眊眊後撫言我

唐進士失意醉
飽謂之眠噪

憐君欲闢小嬋娟

次公選云垂條嬋娟修竹嬋娟而孟郊有

月嬋娟謂之三嬋娟今言小嬋娟似指人言之矣

青雲豈易量他日黃菊猶應

似去年醉裏未知誰得喪滿江風月不論錢

李白清風明月不用

一錢買

二月三日點燈會客

江上東風浪接天苦寒無奈破春妍試開雲夢煮兒酒

次公即今之羊羔酒也

快瀉錢塘藥玉船

子仁藥玉船蓋以藥煮石而似玉者也可作酒

杯先生又有獨酌試藥玉船詩

蠶市光陰非故國

次公蜀中春月村市聚為歡樂謂之蠶市

馬行燈火記當年

次公馬行者東京繁華之處夜市燈火最盛

冷烟濕雪梅

花在留得新春作上元

與歐育等六人飲酒

忽驚春色二分空且看樽前半丈紅苦戰知君便白羽

續諸葛亮綸巾羽扇指揮三軍次公白羽言於苦戰之下則子路云赤羽若日白羽若月蓋言箭羽也故不憚苦戰則便之非倦遊憐我憶黃封

子仁黃封言酒也輦下以黃封酒為貴蓋

謂白羽扇也

重內年來齒髮老未老

次公諺云老不老三柏樹

此去江淮東復東

厚李賀詩紫絲竹斷驄馬小家住錢塘東復東

記取六人相會處引杯看劍坐

生風

續杜詩檢書燒燭
短看劍引杯長

次韻王定國謝韓子華過飲

楚有孫叔敖長城隱千里

續宋檀道濟被收引飲一斛脫憤投地曰乃壞汝萬里長

城哀哉練裙子

厚南史劉峻見任昉諸子西華兄弟流離不能自振平生舊交莫有收恤西華

冬月著葛帔練裙路逢峻峻泣然而矜之

負薪躡破屣豈無故交親逝去如

覆水不如老優孟談笑託諧美

優孟事見寄呂穆仲寺丞詩

世家不

可恃如倚折足几祥符有賢相

次公祥符宋真宗年號也賢相指言文正公旦

蓋定國之祖也

手握天下砥懿敏亦名公

次公懿敏指言侍讀素也

三貴德

爵蓋蓋棺今幾日

續杜詩大夫蓋棺事始定

公子誰料理

援晉王徽之為桓冲

騎兵參軍冲謂曰卿在府日久比當相料理

誰要卿料理欲說且止止

次公佛書

止止不 宅相開府公

厚晉魏舒傳舒字陽元少孤為外家寧氏起宅相宅者云當出貴甥

外祖母以戚氏小而慧意謂應之舒曰當為外氏成此宅相堯卿文正公長女嫁韓憲肅公子華乃王氏之甥

為開府儀同三司故

久為蒼生起

續晉謝安傳桓溫請為司馬將發新亭高

嵇戲之曰卿屢違朝旨高卧東山諸人每相與言安石不肯出將如蒼生何今日亦將如卿何安有愧色 如

何垂老別

次公杜詩有垂老別篇

冰盤餽蒼耳

次公退之詩冰盤夏薦碧實脆老杜

有驅豎子摘蒼耳詩 親嫌妨鶚薦

厚後漢孔融薦禰衡書鶚鳥累百不如一鶚使衡立朝必有可

觀相對發微訛

厚孟子其類有訛

新詩如彈丸

援南史王筠傳謝眺嘗見語曰

好詩圓美流轉如彈丸

脫手不移晷我亦老賓客

續杜詩甫也諸侯老賓客苦

語落紈綺

次公班氏叙傳有云綺繡紈袴之間

莫辭三上章有道貧賤耻

次韻韓康公置酒見留

須溪云其豪氣頗侵但覺子華有富貴態坡之落落

往往如此

庭下黃花一醉同重來雪巘已穹窿不應屢被譏安石

援謝安字安石於山營墅樓館林木甚盛每與中外子姪往來遊集肴饌亦屢廢百金世頗以此譏焉而安殊

不以屑意但使無多酌次公續蓋寬饒曰無多鍾乳金釵人

似玉厚牛僧孺自誇服鍾乳三千兩甚得力而歌舞之

行

鷄絃鐵撥坐生風

援唐開元中賀懷智善彈琵琶以石為槽以鷄筋作絃用鐵撥彈

之

少卿尚有車茵在頗覺寬容勝弱翁

次公前漢丙吉字少卿馭吏嗜

酒嘗從吉出醉嘔丞相車上西曹主吏白欲斥之吉曰以醉飽之失去士使此人將復何所容西曹第恐之此不過汙丞相車茵耳魏相字弱翁為郡守素有威嚴

次韻王定國會飲清虛堂

何遜揚州又幾年官梅詩興故依然

續老杜蜀州東閣詩東閣官梅動詩

興還如何遜在揚州危卿梁何遜有蘇早梅詩云枝橫却月觀花遠凌風臺應知早飄落故逐上春來

何

人可復間季孟

次公晉王湛傳王濟之叔父也濟於帝稱其美帝曰誰美曰山濤已下魏舒已

上湛聞曰欲處季孟之間乎

與子不妨中聖賢卜築君方淮上郡歸

心我已劒南川

次公定國為揚州倅

此身正是蠶將老更盡春光

一再眠

與莫同年雨中飲湖上

到處相逢是偶然夢中相對各華顛

倅蔡邕賦云華顛丈人蓋老者之稱

也還來一醉西湖雨不見跳珠十五年

次公先生往為杭倅日有詩云

黑雲翻雨未遮山白雨跳珠亂入船故今詩云酒荒卿杜牧詩云萬珠跳猛雨

次韻詹適宣德小飲巽亭

伯恭園經慶歷三年郡守蔣堂於舊治之東南

建巽亭以對江山之勝胡宿詩云武林天下奇巽亭境中絕

君方夢謫仙

來詩記李白郎官湖

我亦弔文園

次公司馬相如為孝文園令先生蜀

人有懷鄉之意故云

江上同三黜

續柳下惠為士師三黜次公是時先生出知杭州而詹嘗為御

史主簿

天涯又一樽
濤雷殷白晝
梅雪耿黃昏
歸去多情

雨應隨御史軒

公嘗為御史主簿援顏真卿為監察御史使五原有冤獄久之不決真卿至立

辨之時久旱獄決乃雨郡人呼為御史雨

次韻劉景文西湖席上

次公此杭州西湖也先生召還為翰林承旨將離杭

而同景文飲於西湖景
文有詩而先生和之也

二老長身屹兩峯

次公杜寄贊上人詩與子成二老武林有南北兩峯

常撞大呂

應黃鐘

次公黃鐘大呂以譬同聲之相應也故周禮奏黃鐘則必歌大呂

將辭鄴下劉

公幹

次公劉楨字公幹乃東平人魏文帝為太子時在鄴宮所從者皆文士有七子之目而劉楨在焉

却見雲間陸士龍

續晉陸雲字士龍與荀隱字鳴鶴同在張華座上荀抗手曰日下荀鳴鶴

雲對曰雲間陸士龍次公陸士龍指言子由時元祐六年三月先生召還而子由是春除尚書右丞所以別劉

而見子由也

白髮憐君略相似青山許我定相從吾今官已

六百石慚愧當年邴曼容

援前漢兩龔傳云琅邪邴漢兄子曼容亦養志自脩為官

不肯過六百
石輒自免去

次韻趙景旣督兩歐陽詩破陳酒戒

商也哀未散歲月忽已秋祥琴雖未調餘悲不敢留

續

商字子夏檀弓曰子夏既除喪而見與之琴和之而不和彈之而不成聲作而曰哀未忘也先王制禮弗敢過

也矧此乃韻語未入金石流

次公晉宋人叶韻說話謂韻語今先生以詩為韻語

主意在勸歐陽作詩未當得金石音韻之比也

義之生五子

厚晉書王羲之字逸少有子七人其

知名者凡五人曰玄之疑之徽之操之獻之也

總角出銀鈎

續索靖作草書狀云婉若銀鈎飄若

驚鴻吾家有二許

次公二許大許公蘇瓌小許公蘇頌

下筆兩不休

援魏文帝典論

載班固曰傳武仲以能屬文
為蘭臺令史下筆不能自休
君言不能詩此語人信不

次公自此以上皆
千鍾斯為堯百榼斯為丘
續孔叢子平原君強

子高酒曰堯飲千鍾孔子百觚子路嗑嗑
尚飲百榼古之聖賢無不能飲子何辭焉
陋矣陶士衡

厚陶侃字士衡飲酒有定限常歡有餘
而限已竭殷浩等勸更少進竟不從
當以大白浮說

苑魏文侯與大夫飲使公乘不仁為觴政曰飲
不盡者浮以大白文侯不盡不仁舉白浮君也
酒中那

有失醉則不驚鷗
次公列子海上之人狎鷗鳥杜詩杯渡不驚鷗也已上詩句皆以破陳酒

戒明當罰二子已洗兩玉舟
次公二子謂歐與陳也兩玉船則先生舊有揚州藥

也
玉船

次韻致政張朝奉仍招晚食

掃白非黃精

續杜詩掃除白髮黃精在者取他年冰雪容

輕身豈胡麻

續本草胡

麻狀似狗蟲而莖方久服輕身不老怪君仁而壽未覺生有涯

援莊子吾生也有涯

而知也

曾經丹化米

次公神仙傳麻姑至蔡經家以經第婦新產求少許米擲之墮地即

成丹砂謂以米祛其穢也

親授棗如爪

續前漢郊祀志李少君言臣嘗遊海上見安期生食臣棗

大如雲烝作霧楷

次公後漢張楷性好道術能作五里霧時關西人裴優亦能為三里自以

為不火滅喫雨已

續後漢樂巴為尚書郎正朝大會得酒不飲西南喫之有司奏巴大不敬

已謝曰臣本縣成都失火故喫酒以為雨後成都奏火得雨而減雨中作酒氣也

自此養鉉鼎

無窮走河車

次公道家脩養有鉉永之鼎陰真君歌云北方正氣名河車而仙經云鉉絕河車空

萬事必無功鉉失河車絕萬事無所出

至今許玉斧猶事萼綠華

君魯見永州何

仙姑得藥餌之人疑其以此壽也故有丹化米萼綠華之句次公許玉斧許長史之子許掾也羣仙降其家事出真誥為詳有女仙萼綠華者九疑山中羅郁也子仁韋應物萼綠華歌世淫濁兮不可降胡不來兮玉斧家

我本三生人

次公白樂天云世說三生如不謬共疑巢許是前身

疇昔一念差

次公

楊妃傳云恐由此一念又墮下界

前身或草聖

援周越法書苑韋仲習將以張芝為草聖

氣餘驚蛇

次公僧懷素草書如飛鳥出林驚蛇入草子仁書訣墨數鍾絲弟子宋翼作字放縱如驚

地入儒臞謝赤松

續司馬相如云列仙之儒居山澤間形容甚臞次公赤松子黃初平也乃

墨翟張良願從之游者
事見葛洪神仙傳也

佛縛慚丹霞

次公傳燈錄丹霞天然禪師過天大

寒取木佛燒之人或譏之曰吾燒取舍利次
公佛縛字維摩經云貪着禪味是菩薩縛

時時一篇

出擾擾四座譁清詩得可驚

次公退之招楊之果云文字得我驚

信美詞

多誇回車入官府

次公做龐士元傳云未嘗入官府也

治具隨貧家

子仁前漢

灌夫謂田蚡曰將軍許過魏其夫妻治具至今未敢嘗食

萍蘂與豆粥亦可成咄

嗟

續晉書石崇為客作豆粥咄嗟便辦每冬得韭萍蘂王愷密問其帳下云豆至難熟豫作熟末客來但作

白粥投之韭萍蘂是擣韭根雜以麥苗耳

次韻錢穆父會飲

彈冠恨不早

續前漢王吉與禹貢為友世稱王陽在位貢禹彈冠

挂冠常苦遲

厚

漢達萌學通春秋時王莽殺其子宇萌即盛服每假寐解冠挂東都城門將家屬浮海客於遼東

援左傳宣二年晉靈公不君趙宣子驟諫之公患之使鉏麇賊之晨往寢門闢矣盛服將朝尚早坐而假寐麇

退而歎曰不忘恭敬民之主也

角闕時伏思

次公角闕言帝闕之角也漢文七年未央宮東闕果

愚災師古曰果愚謂連闕曲閣也而釋名為臣將入議事於此復思也

東門未祖道

續前漢疏

廣為太傅兄子受為少傅在位五年廣謂受曰吾聞知足不辱知止不殆遂父子謝病歸東都公卿大夫設祖道供帳東都門外

西山空挂願

厚晉書王徽之為桓溫參軍溫嘗謂曰卿在府

日久比當相料理徽之初不酬答直高視以手扳拄頰云西山朝來致有爽氣耳

逝將江海去

安此麋鹿姿要當謀三徑

次公蔣詡開三徑又陶淵明嘗謂親朋曰聊欲絃歌以為

三徑之資後作歸去來辭云三徑就荒松菊猶存

何暇擇一枝

續莊子鶴鵲巢于深林不過一

枝與君幾合散得酒忘醇醪君談似落屑

厚晉書胡毋輔之字彥國

王澄嘗與人書曰彥國吐佳言如鋸木屑霏霏不絕

我飲如奕碁

世有作詩如奕碁奕碁如飲酒

飲酒乃大戒之語僕此三事皆不能居仁避齋閑覽云子瞻嘗自言平生三不如人謂著碁喫酒唱曲也居

官不任事

厚晉書劉惔卒孫綽為之諫曰居官無官造官之事處事無事事之心時人以為知言造

物真見私主人獨賢勞

續詩北山云我獨賢勞也

金轂方流馳行人

亦束結杖杜乃歸期

厚詩出車以勞還杖杜以勸歸也

公卿雖少安河

流正東

次公前漢溝洫志禹以為河所從來者高水湍悍難以行平地數為敗乃釀二渠以引其

河注云

釀分也元祐初黃河多決河當北流今云東釀

正言河之為患也此後庚辰年先生有聞黃河已復北

流詩則河

我得會稽去方回良不癡

援晉書却愔字方回上書桓溫欲同

不東也

獎王室其子超寸寸毀裂更為上表乞會稽溫大喜即以為會稽太守

小飲公謹舟中

青泥赤日午相烘走扣船牕柳影中輟我東坡無限睡

當君南浦不貲風坐看邸報談迂叟閒說滌山憶醉翁

續迂叟司馬君實醉翁歐陽永叔

此去澄江三萬頃只應明月照還空

與閒山居士小飲

一盃連坐兩髯甚數片深紅入座飛十分潋灩君休赤

且看桃花好面皮

唐人詩云未見桃花面皮先作杏花眼孔

攜妓樂遊張山人園

王父雲龍山人張天驥也

大杏金黃小麥熟憶巢乳燕奉新竹故將俗物惱幽人

厚晉書王戎傳戎每與阮籍為竹林之遊戎嘗後至籍曰俗物已復來敗人意戎笑曰卿輩意亦復易敗耶

細馬紅粧滿山谷

子功李白詩吳姬十五細馬馱

提壺勸酒意雖重

次公

提壺鳥名提壺之聲俗做之如云提壺蘆

杜鵑催歸聲更速

續世傳蜀主杜宇死其魂為鳥

名曰杜鵑聲若云杜詩曰昔日蜀天子化作杜鵑似老
鳥或言一名子規非也今春夏之間月夜有鳥聲若云
不如歸去者此為子規蓋與杜鵑自別耳
堯祖成都古今記蜀之先有望帝名杜宇
酒闌人散却
關門寂歷斜陽挂疎木

遊張山人園

壁間一軸烟蘿子盆裏千枝錦被堆

次公烟蘿子今所
畫修養者多有之

子翬錦被堆一名粉團兒花如月桂而小粉紅色或微
黃色葉亦相類而有刺枝初纖長高丈餘往往作架承
之

慣與先生為酒伴不嫌刺史亦顏開纖纖入麥黃花

亂

續司空圖詩綠樹連
村暗黃花入麥稀

颯颯催詩白雨來

任杜詩片雲
頭上黑應是

雨催詩

聞道君家好井水歸軒乞得滿瓶回

吉祥寺賞牡丹

任熙寧五年壬子三月先生在杭州作

人老簪花不自羞花應羞上老人頭醉歸扶路人應笑

十里珠簾半上鉤

援杜牧之詩春風十里揚州過捲上珠簾恐不如

次韻錢穆父王仲至同賞田曹梅花

寒廳不知春

厚退之荅張徹云勤來得晤語勿憚宿寒廳

獨立耿玉雪閉門

愁永夜置酒及明發

續詩小宛明發不寐

忽驚庭戶曉未受烟雨

沒浮光風宛轉照影水方折

厚尸子曰水圓折者有珠石方折者有玉鬢霜

未易掃

厚樂天咏木曲我有兩鬢霜知君銷不得

眉斧親自伐

援文選枚乘七發云皓齒

峨眉命曰伐性之斧

惟當此花前醉卧黄昏月

九日湖上尋周李二君不見君亦見尋於湖上以

詩見寄明日乃次其韻

湖上野芙蓉含思愁脉脉娟然如靜女

性之詩靜女其妹

不肯

傍阡陌詩人杳未來霜艷冷難宅君行逐鷗鷺出處浩

莫測葦間聞欸音

續莊子漁父既與言道延緣葦間孔

雲表已飛屐

續此用後漢葉令王喬飛舄意也

使我終日尋逢花不忍

摘人生如朝露要作百年客喟彼終歲勞幸茲一日澤

次公孔子曰百日之蜡一日之澤也願言竟不遂人事多乖隔悟此知有

命次公南史沈攸之言早知窮達有命恨不十年讀書也沈憂傷魂魄惠安李白詩沉憂能

傷人

廣陵會三同舍各以其字為韻仍邀同賦

劉貢父

去年送劉郎醉語已驚衆

次公據詩案謂熙寧三年劉邠通判泰州賦作詩送之云

君不見阮嗣宗片舌如鎖耳如聾蓋指新法如今各漂
不使不容人直言不如耳不聞而口不言也

泊筆研誰能美我命不在天

無已尚書云我生不有命在天

羿穀未必

中厚莊子遊於羿之教中中央者中地也然而不中者命也

作詩聊遣意老大慵譏

諷夫子少年時雄辯輕子貢爾來再傷弓戢翼念前痛

續傷弓之鳥見曲木而驚

廣陵三曰語相對恍如夢況逢賢主人退

代張籍與李浙東書云問無恙外不服出一語且先賀其得賢主人

白酒潑春甕竹西已

揮手灣口猶屢送

次公竹西灣口皆揚州之地杜牧之題禪智寺詩云誰知竹西路歌吹是

揚州灣口則揚州地志載之

羨子去安閒吾邦政誼闕

孫巨源

三年客京輦憔悴難具論揮汗紅塵中但隨馬蹄翻人
情貴往返不報生禍根坐令平生友終歲不及門南來
實清曠但恨無與言不謂廣陵城得逢劉與孫異趣不

兩立譬如王孫猿

續柳宗元言猿以常王孫之德躁以器

吾儕久相聚

恐見疑排根

厚實嬰失勢欲倚灌夫引繩排根生平慕之後棄者

我徧類中散

續中

散嵇康也作憂憤詩曰惟此褊心顯明臧否

子通真巨源

續山濤字巨源少有器量與嵇康阮

籍為竹林之交後致位三公

絕交固未敢

援山濤為吏部舉嵇康白代康乃與濤書絕交且

復東南犇

劉莘老

劉丞相

江陵昔相遇幕府稱上賓

續郗超在桓溫帷下謝安曰郗生可謂入幕賓矣

再

見明光宮

次公明光漢宮名武帝太初四年起明光殿師古曰三輔黃圖在城中近桂宮元后傳曰

成都侯商病欲避暑從上借明光宮師古曰明光宮在城內近桂宮三秦記曰明光殿以金為祀以玉為階

峩冠揖縉紳

次公退之詩我我連賢冠

如今三見子坎壈為逐臣朝

遊雲霄間欲分丞相茵

續郗吉馭吏醉吐丞相車上吉曰此不過汙丞相車茵耳汲黯

司馬安與周陽由俱在二千石列同車未嘗敢均茵

莫落江湖上遂與屈子鄰

朱

原流故

了不見喜愠子豈真可人

厚桓溫經王敦墓曰可人可人邂逅

成一歡醉語出天真士方在田里自比渭與莘

續太公釣渭伊

尹耕莘

出試乃大謬芻狗難重陳

厚莊子天運篇芻狗之未陳也盛以篋衍巾以

文繡及其已陳也行者踐其首脊蘇者取而變之

歲晚多霜露歸耕當及辰

與秦太虛參寥會于松江而闕彥長徐安中適至

分韻得風字二首

吳越溪山興未窮又扶衰病過垂虹

續吳江長橋名垂虹

浮天自

古東南水

子仁郭氏玄中記曰天下之多者水焉浮天載地

送客今朝西北風

絕境自忘千里遠勝遊難復五人同舟師不會留連意

擬看斜陽萬頃紅

二子緣詩老更窮人間無處吐長虹

子仁盧公月蝕詩是夕吐焰如長虹

俚江淹謂郭鞏曰子之咳唾成珠玉吐氣作虹霓非碌碌傳比也

平生睡足連江雨

續杜

牧之詩平生睡足處雲夢澤南州又云一夜風吹竹連江雨送秋

盡日舟橫岸風

次公

南中風吹舟拍岸謂之罨岸風吹舟離岸謂之開岸岸乃開岸之義也

人笑年來三黜慣

天教我輩一樽同知君欲寫長相憶

次公古詩客從遠方來遺我雙鯉魚

呼兒烹鯉魚中有尺素書上言加餐飯下言長相憶

更送銀盤尾鬣紅

喜劉景文至

小名李孫

天明小兒更

平聲

傳呼髯劉已到城南隅

厚古樂府陌上桑云羅敷喜顰

桑採桑城南隅

尺書真是髯手迹

厚前漢韓信傳云發一乘之使奉咫尺之書顏師古曰言

其簡牘長咫尺也

起坐慰眼知有無今人不作古人事今世有

此古丈夫我聞其來喜欲舞病自能起不用扶江淮旱

久塵土惡朝來清雨濯鬢鬚相看握手乃無事千里一

笑無乃迂

次公嵇康呂安每相思千里命駕

平生所樂在吳會老死欲

葬杭與蘇

次公吳中謂之吳會先生因景文之來而思憶杭州故云

過江西來二百

日冷落山水愁吾妹新堤舊井各無恙

續唐李泌為杭守引湖水作六

井以利民先生在杭州日復為完之又於湖中為長
堤上植楊柳芙蓉望之如畫杭州名之曰蘇公堤 參

寥六一豈念吾

次公參寥六一二泉名先生有參寥泉銘所謂石泉槐火九年而信者也有六

一泉銘所謂君子之澤豈獨五世而已者也此皆杭州事別後新詩巧模寫袖中知

有錢塘湖

沐浴啓聖僧舍與趙德麟邂逅

南山北闕兩非真

厚孟浩然詩北闕休上書南山歸散廬

東潁西湖迹已

陳

次公言東潁之西湖蓋先生在潁州與趙德麟同治西湖也蘭亭記云俯仰之間已為陳迹

季子

來歸初可喜

續春秋閏元年八月季子來歸穀梁傳其曰季子貴之也其曰東歸喜之也

老

昨新沐定非人

厚莊子孔子見老聃昨新沐方將被髮而乾忽然似非人孔子侍而待之少焉

見曰向者先生似達物離人而立於獨也

酒清不醉休休暖睡穩如禪息息

勻自笑塵勞餘一念明年同泛越溪春

次公先生欲乞越州故云

夜坐與邁聯句

清風來無邊明月翳復吐

坡

松聲滿虛空竹影侵半戶

邁暗枝有驚鵲壞壁鳴飢鼠

坡

露葉耿高梧風螢落空

廡微涼感團扇古意歌白紵

續班婕妤好有團扇歌古樂府有白紵辭

樂哉

今夕游獲此陪杖屨

邁

傳家詩律細已自過宗武短詩

膝上成聊以感懷祖

坡程杜少陵有示宗武詩宗武少陵之子也王懷祖常置其子坦之

上於膝

和公濟飲湖上

昨夜醉歸還獨寢曉來宿雨鳴孤枕扁舟小棹截湖來
正見青山駭雲錦須知老人興不淺莫學公榮不共飲
與君歌鼓樂豐年喚收千夫食陳廩

次韻王定國得晉卿酒相留夜飲

短衫壓手氣橫秋更著仙人紫綺裘使我有名全是酒

從他作病且忘憂詩無定律君應將醉有真鄉我可侯
且倒餘樽盡今夕睡蛇已死不須鉤

立春日病中邀安國仍請率禹功同來僕雖不能
飲當請成伯主會某當杖策倚几於其間觀諸公
醉笑以撥滯悶也

孤燈照影夜漫漫拈得花枝不忍看白髮歌簪羞彩勝
黃耆煮粥薦春盤東方烹狗陽和動南陌爭牛卧作團
老子從來興不淺向隅誰有滿堂歡

齋居卧病禁烟前
辜負名花已一年
此日使君不强喜
早春風物為誰妍
青衫公子家千里
白首先生杖百錢
曷不相將來問病
已教呼取散花天

鹿鳴宴

連騎忽忽畫鼓喧
喜君新奪錦標還
金壘浮菊催開宴
紅藥將春待入關
他日曾陪探禹穴
白頭重見賦南山
何時共樂昇平事
風月笙簫坐夜閒

東坡詩集註卷十七